

四庫全書薈要

• 乾隆御覽本

集部

五百家註昌黎文集卷二十二 宋 魏仲舉 編

祭文

祭田橫墓文 并序

樊曰田橫初為漢將灌嬰敗於垓下亡走梁
歸彭越高祖即位懼誅與其徒五百餘人入
海居島中高帝聞齊人賢者多附橫恐後有
亂乃使使赦橫罪而召之橫與其客二人乘
傳詣洛陽至尸鄉廐置遂自剄令客奉其頭
從使者馳奏高帝流涕以王者禮塋橫既塋
二客穿其冢旁皆自剄從之其餘客在海中
者聞橫死亦皆自殺補注晁太史無咎嘗取

公此文於續楚辭而系之曰唐宰相如董晉亦未足言而晉為汴州纔奏愈從事愈始終威遇語稱隴西公而不姓後從裴度亦自謂度知己然度亦終不引愈共天下事故愈躊躇發憤太息於區區之橫以謂夫苟如橫之好士天下將有賢於五百人者至焉

貞元十一年九月

集注一作十九年非按十九年秋公為御史其冬貶陽山安得以九月出

田橫墓

十一日愈如東京

樊曰其年春公三上書宰相求仕不報五月歸河陽至其

姨鄭夫人九月復如京。一作愈自東如京蓋謂公家河陽唐都長安以河陽為東都長安為西都也

道

出田橫墓下感橫義高能得士心

一無心字

因取酒以祭為

文而弔之其辭曰

事有曠百世而相感者余不自知其何心非今世之所

稀孰為使余歔歔而不可禁

孫曰歔歔嘆也。歔音虛歔音希禁居吟切

余

既博觀乎天下曷有庶幾乎夫子之所為死者不復生

嗟余去此而從誰

而一作其

當秦氏之敗亂得一士而可王

何五百人之擾擾而不能脫夫子於劍鉞

鉞音刃也。鉞音亡

抑

所寶之非賢

補注書所寶惟賢則過人安。之一作者

亦天命之有常

天一作大

昔闕里之多士孔聖亦云其遑遑

韓曰史記索隱孔子居魯之鄒邑昌平鄉

之闕里孫曰闕里地名在今兗州曲阜縣楊子仲尼皇皇奔走之貌也

苟余行之不迷

余一

命雖顛沛其何傷自古死者非一夫子至今有耿光

孫曰

以觀文王之耿光耿亦光也

跼陳辭而薦酒

孫曰跼長跪巨几切

魂髣髴而來

享

嚴曰集韻靈良切按享字古今人用多作上聲惟前漢禮樂志郊祀詩云發梁揚羽中以商造茲新音永

久長聲氣速條鳳鳥翔神夕奄虞蓋孔享享作平聲退之叶韻益有所本也

歐陽生哀辭

并序

韓曰歐陽名唐字行周泉州晉江人也卒年四十餘集十卷行世新史於文藝立傳

歐陽詹世居閩越自詹已上皆為閩越官至州佐縣令者累累有焉閩越地肥衍有山泉禽魚之樂雖有長材

秀民通文書吏事與上國齒者未嘗肯出仕今上初故

宰相常袞為福建諸州觀察使治其地

一作往治其地

袞以文

詞進有名於時又作大官臨蒞其民縣鄉小民有能誦

書作文辭者

一云袞以文詞進縣鄉小民有能誦書作文詞者袞故宰相有名於時又作大官臨

蒞其民云云

袞親與之為客主之禮觀游讌饗必召預之

一預

作時未幾皆化翕然

韓曰按袞傳建中初起為福建觀察使始閩人未知學袞至為設學

校使為文章親講導與為客主均禮觀游燕享與焉由是俗變歲貢士與內州等

唐于時獨秀

出袞加敬愛諸生皆推服閩越之人舉進士繇唐始

孫曰

貞元八年詹與公同登第嚴曰詹字行周泉州晉江人退之同年進士此言閩人舉進士自詹始及觀林蘊泉山銘叙則謂閩川貞元以前未有文進者也因廉使李邱公錡興啓庠序請獨孤常州友為記中有辭云縵胡之纓化為青衿其兄藻與友歐陽詹繼登正第以其年考之則藻之登第又在詹之前然長溪薛令之以中宗神龍二年擢第則又在藻之前矣建中貞元間余就食退之謂由詹始豈考之未詳耶

江南

孫曰時公家于宣州

未接人事徃徃聞詹名問巷間詹之稱

於江南也久矣貞元三年

韓曰當作二年

余年十九始至京師

一無年十九三字

舉進士聞詹名尤甚八年春遂與詹文詞同

考試登第始相識自後詹歸閩中余或在京師他處不

見詹久者惟詹歸閩中時為然其他時與詹離率不歷
歲移時則必合合必兩忘其所趨久然後去故余與詹
相知為深詹事父母盡孝道仁於妻子於朋友義以誠
氣醇以方容貌嶷嶷然

祝曰說文嶷嶷小兒有知也
○歲魚力切歐本不疊嶷字

其

燕私善謔以和其文章切深

一有速字

喜往復善自道讀其

書知其於慈孝最隆也十五年冬余以徐州從事

孫曰公為

徐州節度推官

朝正于京師詹為國子監四門助教將率其徒

伏闕下舉余為博士會詹有獄不果上

一無詹字詹一作監

觀其

心有益於余將忘其身之賤而為之也嗚呼詹今其死

矣詹閩越人也父母老矣捨朝夕之養以來京師其心

將以有得而歸為父母榮也

一本有得下有於是二字
趙本再有將以有德四字

雖其父母之心亦皆然詹之在側

一無雖無離憂其志之字

雖無離憂其志

不樂也詹在京師雖有離憂其志樂也若詹者所謂以志

養志者歟詹雖未得位其名聲流於人人其德行信於朋

友雖詹與其父母皆可無憾也詹之事業文章李翺既為

之傳

今翺集無詹傳
傳一作說一作誌

余故作哀詞

一無以舒余哀以傳于

以舒余哀以傳于

後以遺其父母

其一作厝

而解其悲哀以卒厝志云

厝一作其

求仕與友兮遠違其鄉父母之命兮子奉以行友則既

獲兮祿實不豐以志為養兮何有牛羊事實既修兮名

譽又光父母忻忻兮常若在旁命雖云短兮其存者長

終要必死兮願不永傷

不永一作永

友朋視疾兮藥物甚良

飲食既時兮

既一作孔

所欲無妨壽命不齊兮

齊一作高

人道之

常在側之與遠兮非有不同山川阻深兮魍魎流行祭

祀之及兮

之一作則

勿謂不通哭泣無益兮

益一作救

抑哀自彊

推生知死兮以慰孝誠嗚呼哀哉兮是亦難忘

題哀辭後

樊曰崔羣及詹皆與公同年
伉姓名僅見于此它無所聞

愈性不喜書自為此文惟自書兩通其一通遺清河崔
羣羣與余皆歐陽生之友也哀生之不得位而死哭之
過時而悲其一通今書以遺彭城劉君伉伉喜古文以
吾所為合於古詣吾廬而來請者八九至而其色不怨
不一作無志益堅凡愈之為此文盖痛歐陽生之不顯榮於

前痛一作哀

又懼其泯滅於後也今劉君之請未必知歐陽

生之志其志在古文耳雖然苟愛吾文

吾一作其

必求其義

則進知於歐陽生矣必時觀

義下舊本無則進云云十一字

愈之為古

文豈獨取其句讀不類於今者耶思古人而不得見學

古道則欲兼通其辭通其辭者本志於古道者也古之

道不苟譽毀於人然則吾之所為文皆有實也劉君好

其辭則其知歐陽生也無惑焉

獨孤申叔哀辭

孫曰申叔字子重年二十二舉進士又二年
用博學宏詞為校書郎又三年居父喪未練
而歿益貞元十八年也柳子厚有獨孤君墓
碣皇甫持正有傷獨孤賦而公作辭哀之樊
曰公嘗與崔羣書天人好惡之說與此
語意一同蓋出太史公之伯夷論也

衆萬之生誰非天邪明昭昏蒙誰使然耶行何為而怨

邪

怨一作怒

居何故而憐邪

故一作為

胡喜厚其所可薄而恒不

足於賢邪將下民之好惡與彼懸邪

彼下一有蒼字

抑蒼茫無

端而暫寓於其間邪死者無知

者一作而

吾為子慟而已矣

如有知也子其自知之矣濯濯其英曄曄其光如聞其

聲如見其容

一作如處其旁

嗚呼遠矣何日而忘

崔侍御祭穆員外文

樊曰穆員字與直懷州河內人宣州觀察使寧之子工為文崔侍御名愬無傳

於乎

一本上先云維年月日故人博陵崔愬謹以清酌之奠致祭于亡友穆六端公之靈

建中之

初予居于嵩攜扶北奔

一作歸

避盜來攻晨及洛師相遇

一時顧我如故眷然顧之子有令聞我來自山子之俊

明我鈍而頑道既云異誰從知我我思其厚不知其可

一作不可於後八年君從杜侯我時在洛亦應其招

孫曰貞元

五年十二月以杜亞為東都留守亞辟員
為從事檢校員外郎愬時亦為亞所辟

留守無事多

君子寮罔有疑忌維其嬉游草生之春鳥鳴之朝我轡

在手君揚其鑣

悲驕切

君居于室我既來即或以嘯歌或

以偃側誨余以義復我以誠

復我一作我復

終日與語無非德

聲主人信讒有感其下殺人無罪誣以成過入救不從

反以為禍赫赫有聞王命三司察我于獄相從係縲直

生可樂

作一可何

曲死可悲

一云曲生何樂直死何悲

上懷王人

王一作主

內

憫其私進退之難居處之宜既釋于囚我來徐州

持曰全孤

運京兆富平人為東京牙門將亞惡其為人會盜劫輸
絹於洛北運適改近郊亞意其為之命員及從事張弘
靖鞠其事無之亞怒囚員等更以愛將武金採服之金
答運從者十餘人二人死九人自誣服竟無贓狀亞以
聞請流運嶺表德宗詔監察御史楊寧覆驗事皆不讐
亞怒劾寧罔上德宗令侍御史李元素刑部員外郎崔
從質大理司直盧士瞻三司覆案元素察其寃如運迹
似行盜以曾捕掠人於家配流歸州員等由是獲免後
歲餘齊抗捕得劫輸絹賊七人及賊絹詔亞與留臺同
劾之皆首服然終不原運運竟死歸州人寃之負由此
名

知道之悠悠思君為憂我如京師君居父喪

孫曰永貞元
年十一

月負父
寧卒

哭泣而拜言詞不通我歸自西君反吉服晤言

無他徃復其昔

一作音

不日而違重我心惻自後聞君母

喪是丁痛毒之懷六年以并一作經孰云孝子而殞厥靈

今我之至入門哭聲

哭一作失

酒肉在前君胡不餐升君之

堂不與我言於乎死矣何日來還

祭郴州李使君文

補注筆墨閒錄云祭

李郴州文尤雄奇

維年月日

孫曰本云維元和元年歲次丙戌二月乙未朔二十四日戊午

將仕郎守江

陵法曹叅軍韓愈謹以清酌庶羞之奠敬祭于故郴州

李使君三兄之靈古語有之白頭如新傾蓋如舊

孫曰漢鄒

陽之語

顧意氣之何如曷日時之足究曷一作何當貞元之癸

未

祝曰貞元十九年公拜監察御史冬貶陽山令別
知賦云歲癸未而遭逐是也○一本作癸酉非

惕

皇威而左授伏荒炎之下邑

孫曰貞元十九年公
左遷連州陽山令

嗟名

頽而位仆歷貴部而西邁

孫曰貴部
即郴州

通清光於暫覲

於一

作言若交而情無由

若一作莫

既不賈而奚售哀窮荒之無

徒

窮一作遐

挈百憂而自副

孫曰挈牽引也詩懷此百
憂○挈奴加切而一作以

辱問

訊之綢繆恒飽飢而愈疾接雄詞於章句窺逸跡於篆

籀

孫曰籀篆也周宣時太史籀造
大篆因以為名○籀直右切

苞黃甘而致辭

辭一作貽

獲紙筆之雙寶

洪曰即李員外寄紙筆云
樊怪殷勤謝虞卿正著書

投叉魚之短

韻

洪曰即公義魚十
八韻招張功曹者

媿韜瑕而舉秀侯新命於衡陽費

薪芻於館候

韓曰柳在衡山之陽貞元二十一年
公以順宗敕徙掾江陵待命於柳云

空大

亭以見處憩水木之幽茂逞英心於縱博沃煩腸於清

耐

於一作以航北湖之空明

孫曰柳州北湖廣
十餘里最為勝處

覩鱗介之驚

透宴州樓之豁達衆管啾而並奏

啾一作秋

得恩惠於新知

脫窮愁於往陋

窮一作宛

輟行謀於俄頃見秋月之三穀

補注

筆墨間錄曰此即子厚云丁酉
之年秋既季月闕其園於是始

逮天書之下降猶低迴

以宿留

上音秀下音溜

念睽離之在期謂此會之難又授縞紵

以託心

孫曰襄二十九年左氏吳季札聘鄭見子產如舊相識與之縞帶子產獻紵衣

云茲誠

之不謬儻後日之北遷約窮歡於一晝雖掾俸之酸寒

孫曰掾謂法曹

要拔貧而為富何人生之難信捐斯言而莫就

始訝信於暫踈遂成凶於不救

於一作而

見銘旌之低昂

孫曰

禮記銘明旌也以死者為不可別故以識之

尚遲疑於別袖憶交醕而迭舞

奠單盃而哭柩

韓曰謂李使君於貞元二十一年死柩過江陵公以是祭之永貞元年冬也益

二十一年八月改元為永貞元年云

美夫君之為政不撓志於讒構

撓一作僈

遭唇舌之紛羅獨凌晨而孤雛

孫曰鷄鳴之詩言亂世君子不改其度凌晨孤

雛以雞為喻雛鳴也

彼憐人之浮言雖百車

嚴曰馮衍與婦弟書云持質相劫詞語百

車

其何詬

車一作年

洞古徃而高觀固邪正之相寇幸竊覩

其始終敢不明白而蔽覆

一無字

神乎來哉辭以為侑尚

饗

祭薛公達助教文

樊曰公達字大順貞元九年登第詳見公所誌墓云

維元和四年歲次己丑後三月二十一日景寅

孫曰四年閏三

月丙午朔二十一日丙寅
嚴曰唐諱丙以景代之

朝散郎

韓曰公嘗誌其墓今以誌考之朝散當作

議朝守國子博士韓愈太學助教侯繼謹以清酌之奠祭

于亡友國子助教薛君之靈

樊曰元和初公達為國子助教分教東都是歲二月

十四日辛嗚呼吾徒學而不見施設祿又不足以活身天於

此時奪其友人同官太學日得相因奈何永違祇隔數

晨笑語為別慟哭東門藏棺蔽帷欲見無緣皎皎眉目

在人目前

一云若在人前

酌以告誡庶幾有神嗚呼哀哉尚饗

祭虞部張季友員外文

韓曰公同王涯崔羣許季同度承宣邢冊等
六人祭益皆與季友貞元八年同舉進士也
其事詳見
公所誌

維年月日愈等

舊本作維元和十年月日中書舍人王
涯考工郎中知制誥韓愈禮部侍郎崔

羣京兆尹許季同考工員外郎度承宣
河中節度判官殿中侍御史邢冊等

謹以清酌庶羞

之奠敬祭于亡友張十三員外之靈嗚呼往在貞元俱

從賓薦司我明試時維邦彥

樊曰時陸贄典貢舉
祭者六人皆同薦云

各以

文售幸皆少年羣遊旅宿其歡甚焉出言無尤有獲同

喜他年諸人莫有能比倏忽逮今二十餘歲

樊曰自貞
元八年至

是凡二
十三年存皆衰白半亦辭世外經公事內迫家私中宵

興歎無復昔時如何今者

一作於今

又失夫子懿德柔聲永

絕心耳廬親之墓終喪乃歸陽瘖避職

祝曰瘖瘖禮記瘖聾跛躄孫曰

徐州節度使張愔請李友為判官詔下李友詐稱疾不言三年

妻子不知分司憲臺風

紀由振遂遷司虞以播華問不能老壽孰究其因嗣託

於宗天維不仁酒食備設靈其降止論德叙情

德一作得以

視諸誄尚嚮

祭河南張署員外文

樊曰張署為河南令既數月弃官去遂卒時公從裴度討蔡元和十二年八月也誌其墓

為文以祭之

維年月日

孫曰元和十二年

彰義軍行軍司馬守太子右庶子

兼御史中丞韓愈

集注是歲七月以公兼御史中丞彰義行軍司馬。一無守太子右庶子

六字謹遣某乙以庶羞清酌之奠祭于亡友故河南縣令

張十二負外之靈

十二或作十一或無十二二字

貞元十九君為御史

余以無能同詔並峙君德渾剛

渾胡本切

標高揭已有不吾

如唾猶泥滓余慙而狂

慙陟降切

年未三紀

孫曰公時年三十六嚴曰退之

大歷戊申歲生至貞元十九年癸未三十六年矣

乘氣加人無挾自恃

一作無敢挾恃

彼婉孌者實憚吾曹側肩帖耳有古如刀

嚴曰謂讒人以言傷人也

退之與張署李方叔同為御史時方早飢上疏乞寬民徭為李實所讒俱貶南方縣令又與署同赴貶所我

落陽山以尹鼂獠君飄臨武山林之牢

補注是歲公與署同得罪公貶

連州陽山令署貶郴州臨武令

歲弊寒光雪虐風饕

一作號

顛於馬下我

泗君眺

祝曰易君子先號眺而後笑○眺徒刀切

夜息南山同卧一席守隸

防夫舐項交跣

祝曰舐觸也謂以項相舐觸跣足也○舐丁禮切或作牴

洞庭漫汗

粘天無壁

補注筆墨間錄曰山谷用此語云江南水粘天

風濤相壓

壓呼切

中作

霹靂追程盲進帆船箭激南上湘水

孫曰湘水出零陵北至巴丘入江○

上一屈氏所沉

孫曰今岳州湘陰縣有汨水屈原自沈處俗謂之汨羅

二妃行迷

淚蹤染林

孫曰博物志洞庭之山堯帝二女常泣以其涕揮竹竹盡斑

山哀浦思鳥

獸叫音余唱君和百篇在吟君止于縣我又南踰把醢

相飲後期有無期宿界上一又相語自別幾時遽變寒

暑

遽一作復變一作徧

枕臂歌眠加余以股僕來告言虎入廐處

無敢驚逐以我駮去

駮音蒙

君云是物不駿於乘虎取而

往來寅其徵我預在此與君俱膺猛獸果信惡禱而憑

余出嶺中君侯州下

州柳

偕掾江陵非余望者

樊曰公貞元十

九年與張俱令南方明年冬會宿臨武界上虎入公廐
取驥去驥驢子也虎寅屬也公載張語云云已而順宗
即位皆改江陵府掾公法曹張工曹洪曰僕來告言虎
入廐處而下予以問葛魯卿葛云驥不駿去之則亨矣
虎取而去疑其亨也故來寅望微猛獸果信者言
虎取驥果亨遂有府掾之命不待禱而有所憑也

柳山

奇變其水清寫泊砂倚石有還無捨

祝曰楚詞重華不可還注逢也○還

吳故切一作還

衡陽放酒

孫曰衡陽衡州酒沉酒也○酒一作酒

熊咆虎嘯

咆蒲交切

嗥胡高切

不存令章

孫曰令章酒令一作存不令章

罰籌蝟毛委舟湘流往

觀南嶽

嚴曰集有謁衡岳廟詩

雲壁潭潭

雲一作天

穹林攸擢避風大

湖嚴曰太湖即上文洞庭是也

七日鹿角

韓曰元微之鹿角詩箋云

鹿角洞庭湖中地名

鈎登大鮎

祝曰鮎魚名楚詞鱣鮎兮延延集注說文云鮎鱣也鮎乃兼切怒

頰豕狗

洪駒父詩話云狗豕聲也○狗許角切或作豹非惟無此理兼不協韻

嚮盤炙酒

羣奴餘咏走官階下

孫曰謂江陵府

首下尻高

祝曰尻髀也前漢尻益高○尻

苦刀切

下馬伏塗從事是遭予徵博士君以使已

孫曰元和元年

六月公召為國子博士署掾江陵半年邕管奏為判官不往

相見京師過願之始

補注

始願不及此

分教東生君掾雍首

孫曰元和二年公分教東都署為京兆府司錄參軍

祝曰雍州名書黑水西河惟雍州○雍於用切

兩都相望

望音

於別何有解手

背面遂十一年君出我入如相避然生閹死休吞不復

宣刑官屬卽引章許奪

許一作許

權臣不愛南昌是幹

孫曰署為

刑部員外郎守法不向出為度州刺史度州南康郡今作南昌恐誤

明條謹獄氓獠戶歌

獠夷名○獠張絞切又力道切又一作僚

用遷澧浦

祝曰澧水名書又東至于澧○澧音禮嚴曰謂

為澧州為人受瘥

孫曰署自度州改澧州刺史民稅出雜產物與錢尚書有經數觀察使牒

州徵錢倍數經署曰刺史可為法不可貪官害民留牒不肯從竟以代罷瘥病也

還家東都起

令河南屈拜後生憤所不堪屢以正免身伸事蹇竟死

不昇孰勸為善丞相南討

孫曰元和十二年以宰相裴度為淮西宣慰處置使南討

淮余辱司馬議兵大梁

孫曰時宣武軍節度使韓弘為
諸軍都統使將出討公詣弘稟

事

走出洛下哭不憑棺莫不親舁不撫其子塋不送野

望君傷懷有殞如瀉銘君之績納石壤中爰及祖考紀
德事功外著後世鬼神與通君其奚憾不余監喪烏乎
哀哉尚饗

祭左司李員外太夫人文

韓曰謂與其子同僚必
公為職方員外郎時也

維年月日某官某等謹以清酌庶羞之奠敬祭于某縣

太君鄭氏尊夫人之靈胄于茂族配此德門克成厥家
享有全福為婦為母再朝中宮搢紳推榮宗黨是則某
等幸隨令子同服官僚庶展哀誠式陳牢醴尚饗

祭薛中丞文

樊曰中丞名存誠字資明河中寶鼎人貞元
中登第歷監察御史殿中侍御史累遷給事
中拜御史中丞暴卒

憲宗贈刑部侍郎

維年月日

韓曰公時為比部郎中元和
九年也或作元和元年非

某官某乙等

韓曰

李逢吉孟簡張惟
素張賈韓愈等

謹以清酌庶羞之奠祭於亡友故御

史中丞贈刑部侍郎薛公之靈公之懿德茂行可以勵

俗清文敏識足以發身宗族稱其孝慈友朋歸其信義

累升科第亟踐班行左掖南臺

孫曰北齊號御史臺為南臺高澄用崔暹為御

史中尉宋遙道為尚書左丞謂之曰卿一人處南臺一

人處北省當使天下肅然樊曰左掖則給事中南臺則

御史中丞也共傳故事

樊曰存誠嘗劾浮屠鑒虛賊罪抵死按信州刺史李位無謀反事詳見舊

史本傳詩人墨客爭諷新篇羽儀朝廷輝映中外長途方

騁大限俄窮聖上軫不憖之悲

韓曰哀十六年左傳孔子卒公誅之曰昊天不

弔不憖遺一老俾屏予一人

具寮興云亡之歎

祝曰詩瞻仰人

之云亡邦國殄瘁

況某等忘言斯久知我俱深青春之遊白首

相失來陳薄奠詎盡哀誠嗚呼哀哉尚饗

祭裴太常文

裴之諱字皆不可攷

維年月日愈等

樊曰元和九年公為比部郎中史館修撰與給事中李逢吉孟簡吏部侍郎張

惟素張賈等同祭

謹以庶羞清酌之奠敬祭于太常裴二十一

兄之靈朝廷之重莫過乎禮雖經策具存而精通蓋寡自郊丘故事宗廟時宜大君之所旁求丞相之所卒問

嚴曰卒倉沒切
孟子卒然問曰羣儒拱手宗祝醉心兄皆指陳根源斟

酌通變莫不允符天旨克協神休至于公卿冠昏

于一作乎

士庶喪祭疑皆饗荅問必實歸從我者足為軌儀異我

者無逃指笑動為時法言比古經

比一作必

獨立一朝高視

千古而又驅馳朋執僂宗親

僂音泯

甌石之儲

孫曰漢書揚雄

家無甌石之儲晏如也甌小甌石斗石○甌或作擔

常空於私室方丈之食

韓曰孟子

曰食前方丈侍妾數百人我得志弗為也每盛於賓筵贈必固辭求無不應

孰云具美而不永年某等早接遊從實欽道義致誠薄

奠以訣終天嗚呼哀哉尚饗

潮州祭神文五首

韓曰文凡五皆元和十四年夏秋作其一到任謁太湖神其二祈止雨太湖神其三四五謝晴城隍界石太湖等神作

維年月日潮州刺史

孫曰維元和十四年歲次己亥三月己卯朔某日持節潮州諸軍事

守潮州刺史

韓愈謹差攝潮陽縣尉史虛已以特羊庶羞之

奠告于太湖神之靈愈承朝命為此州長今月二十五

日至治下

孫曰三月壬寅嚴曰即元和十四年三月也

凡大神降依庇貺斯

人者皆愈所當率徒屬奔走致誠親執祀事於廟庭下

今以始至方上奏天子

孫曰謂謝上表也

思慮不能專一冠衣

不淨潔與人吏未相識知牲糈酒食器皿損弊

孫曰糈祀神米

離騷巫咸將夕降兮懷椒櫨而要之祝曰捐一作捐產也公羊獨者曰侵精者曰伐○糈先旅切又音所拘倉

切胡不能嚴清又未卜日時不敢自薦見使攝潮陽縣尉

史虛已以告神其降鑒尚饗

維元和十四年歲次己亥六月丁未朔六日壬子持節

潮州諸軍事守潮州刺史

一本上作維年月日潮州刺史

韓愈謹以清

酌股修之奠

祝曰股簋脯禮記大享尚股修注云捶脯也○股丁貫切

祈于太湖神

之靈曰稻既穞矣

嚴曰穞禾成秀也

而雨不得熟以穫也蠶起

且眠矣而雨不得老以蔕也歲且盡矣稻不可以復種

而蠶不可以復育也農夫桑婦將無以應賦稅繼衣食

也非神之不愛此人

此一字無

刺史失所職也百姓何罪使

至極也神聰明而端一聽不可濫以惑也刺史不仁可

坐以罪惟彼無辜惠以福也劃劃雲陰

祝曰劃劃解也分割也孫曰劃

去也○劃忽麥切又音麗

卷日月也幸身有衣而口得食

給神役也充上之須脫刑辟也選牲為酒以報靈德也
吹擊管鼓侑香潔也拜庭跪坐如法式也不信當治疾
殃殛也神其尚饗一作鑒茲

維年月日潮州刺史韓愈謹以柔毛剛鬣清酌庶羞之

奠

孫曰禮記羊曰柔毛豕曰剛鬣

祭于城隍之神間者以淫雨將為人

災無以應貢賦供給神明上下獲罪罰之故乃以六月

壬子奔走分告乞晴于爾明神明神閔人之不辜若響

若谷

響一作饗

薰除天地山川清風時興白日顯行蠶穀以

登人不咨嗟惟神之恩夙夜不敢忘怠謹卜良日躬率
將吏薦茲血毛清酌嘉肴肴一作羞侑以音聲以謝神貺神
其饗之

維年月日潮州刺史韓愈謹遣耆壽成寓以清酌少牢
之奠告于界石神之靈曰惟封部之內山川之神克庥
于人庥下一有庇字官則置立室宇備具服器奠饗以時今淫

雨既霽蠶穀以成織婦耕男忻忻衍衍是神之庥庇于
人也敢不明受其賜謹選良月吉日齊潔以祀神其鑒

茲

一作之

尚饗

維年月日潮州刺史韓愈謹以清酌庶羞之奠祭于太湖之神惟神降依茲土以庇其人今茲無有水旱雷雨風火疾疫為災各寧厥宇以供上役長吏免被其譴賴神之德夙夜不敢忘謹具食飲躬齋洗奏音聲以獻以樂以謝厥賜不敢有所祈尚饗

五百家註昌黎文集卷二十二

謹案卷二十一第五頁後四行無小大刊本訛無
大小據東雅堂及天德堂本改

第六頁前八行持被入直三省注洪曰持被入直
當為句絕十字刊本誤注下文刺刺不能休句
下洪曰下又衍或云二字按洪興祖以唐無三
省考異已辨其非但既從三省絕句集注自不
當引吾日三省吾身既引吾日三省吾身洪說
自當在集注前論雖未正而文義尚貫串也據

考異移又按此即辨證文考異亦引之更不必
有或云字今刪

第七頁前四行設供帳祖道都門外考異從漢書
帳作張按漢書設祖道供張東都門外注云張
設也今云設供帳帳作張與設字意複或舊本
原作帳可不泥漢書也存異

第八頁前三行丞相有愛而惜之者署以為其都
少尹孫注丞相河中節度按上文亦白丞相去

歸其鄉丞相必非節度可知下文又為歌詩以
勸之與愛惜之者必非兩人若係河中節度又
安得京師之長於詩者屬而和之孫特因其都
二字誤意之耳不知其都其字即指楊少尹猶
題注引張籍詩稱官為本府是也且署字考異
及文章正宗文章軌範各本皆作白其義尤明
孫未見佳本曲為之說於上下文義殊乖謬存
異

第十三頁前二行而私便其身按正舉及文章正
宗文章軌範諸本身下皆有圖字上圖利之圖
作固或係舊存異

第十七頁後八行注振武唐志無考按唐書方鎮
表乾元元年置振武節度領鎮北大都護府麟
勝二州即朔方也洪玉父特未深考耳存異

第十八頁後二行而私其有贏餘按考異文章正
宗及東雅堂本皆無有字刊本係沿舉正之誤

考異云果有有字當在其字上存異

第二十三頁前五行名處厚及下元司馬諸人考異云杭閣本皆不書名蜀本只從側書按下許康佐嚴武之訛自是注家偶誤後人謬入序文若果當日序文必無此誤存異

第二十三頁前八行許使君名康佐按唐書康佐本傳初無刺洋尹京事則此使君必非康佐益知書名非本序原文存異

第二十六頁後一行注喉中句刊本喉訛內據文

義改

第二十六頁後三行能與我賦此乎刊本脫能字
又賦上行共字據東雅堂及天德堂本增刪

第二十八頁前七行非吾之所學於師而能者也
刊本脫者字據東雅堂及天德堂本增

第二十九頁後六行注眈眈然在繆繳之中注窮
視貌刊本在訛有又脫窮字據莊子及郭象注

改增

卷二十二第七頁前三行題注穆員字與直刊本
員下行外字蓋因題句訛衍也據新唐書及東
雅堂本刪


第十一頁前一行注丙午朔二十一日丙寅刊本
丙午訛丁未又二下行月字並據本文月日改
刪

第十三頁後五行一又相語刊本又訛夕據考異

及東雅堂本改

第十五頁後三行納石壤中刊本中訛下係沿舉
正之訛據考異及東雅堂本改





總校官庶吉士

臣侍

朝

校對官庶吉士

臣陳文樞

謄錄監生

臣魏綿曾

欽定四庫全書薈要

集部

五百家註昌黎文集卷二十三

四

詳校官助教臣常循



五百家註昌黎文集卷二十三 宋 魏仲舉 編

祭文

袁州祭神文 三首



樊曰文凡三首其一祈雨城隍其二祈雨仰
山其三謝雨仰山神並元和十五年夏作然
則公之精神豈特見於開衡山之雲哉凡水
旱無禱而不應以是知至誠而不動者未之
有也

維年月日

孫曰維元和十五年歲次庚子

袁州刺史韓愈謹告于城隍

神之靈刺史無治行以媚于神祇

一作無以媚于神祇

天降之罰

以久不雨苗且盡死刺史雖得罪百姓何辜宜降疾咎

于其身

一作躬

無令鰥寡蒙茲濫罰謹告

維年月日袁州刺史韓愈謹以少牢之奠祭于仰山

嚴曰

九域志云仰山峭拔萬仞不可登陟

之神曰神之所依者惟人人之所嚮

者惟神今既大旱嘉穀將盡人將無以為命神亦將無所降依不敢不以告若守土有罪宜被疾殃於其身百姓可哀宜蒙恩閔以時賜雨使獲承祭不怠神亦永有

飲食謹告

維年月日袁州刺史韓愈謹以少牢之奠祭于仰山之
神曰田穀將死而神膏澤之百姓無所告而神恤之刺
史有罪而神釋之敢不有薦也尚饗

祭柳子厚文

集註子厚以元和十四年十月五日卒于柳
州公其月自潮即袁明年自袁召為國子祭
酒此文袁州作也故劉夢得祭子厚文有云
退之承命改牧宜陽亦馳一函候於便道其
後序柳集又云凡子厚行己之大方有
退之之誌若祭文在祭文蓋謂此也

維年月日

一本作維元和十五年歲次庚子五月壬寅朔初五日景午

韓愈謹以清

酌庶羞之奠祭于亡友柳子厚之靈嗟嗟子厚而至然

耶自古莫不然我又何嗟

補注按筆墨閑錄云嗟嗟子厚而致然耶自古莫不然我又

何嗟既嗟而又遣以理此聖賢所以人之生世如夢一

覺

覺故效切下既覺同

其間利害竟亦何校當其夢時有樂有悲

嚴曰列子言周之尹氏大治產慮鍾家業心形俱疲夜則昏憊而寐昔昔夢為人僕其下趨役者侵晨皆弗息有老役夫筋力竭矣使之彌勤夜亦昏憊及其既覺豈而寐昔昔為國君是所謂有樂有悲者耶

足追惟凡物之生不願為材犧樽青黃乃木之災

韓曰莊子

百年之木破為犧樽青黃而文之其斷在溝中比子之犧樽於溝中之斷則美惡有間矣其為失性均也

中弃天脫馬羈

祝曰馬羈馬絆也莊子連之以羈馬韓曰羈馬絡頭也。馬知立切一作繫

玉佩瓊琚大放厥辭富貴無能磨滅誰紀

樊曰太史公答任安書云

古者富貴而名磨滅不可勝紀唯倂儻非常之人稱焉

子之自著表表愈儻

孫曰表表

卓立之貌洪曰退之文章多為流俗庸人妄改如表表愈儻嘗見一本改作表奏愈儻

不善為斲

血指汗顏巧匠旁觀縮手袖間子之文章而不用世乃

令吾徒掌帝之制子之視人自以無前一斥不復羣飛

刺天

飛一作非

嗟嗟子厚今也則亡

一作今有今亡

臨絕之音一何

琅琅徧告諸友以寄厥子不鄙謂余亦託以死凡今之

交觀勢厚薄余豈可保能承子託非我知子子實命我

猶有鬼神

樊曰嗚呼子厚之靈亦可畏矣其卒于柳州也後三年降于州之後堂歐陽翼等見而拜

之撫是以觀公之所云不其然乎

寧敢遺墮

寧一作予

念子永歸無復來期

設祭棺前矢心以辭嗚呼哀哉尚饗

祭湘君夫人文

維元和十五年歲次庚子十月某日

一作維年月日

朝散大夫

守國子祭酒韓愈

樊曰按沈傳師所書公黃陵廟碑其後書曰其將修廟祭神文曰維元和

十五年十月某日朝散大夫國子祭酒護軍賜紫金魚袋韓愈謹令前袁州軍事判官

張得一以清酌之奠敢昭告於湘君夫人二妃之神

沈本

作湘君湘夫人二妃之神前歲之春孫曰元和十四年正月愈以罪犯黜守潮

州州一作陽懼以譴死且虞海山之波霧瘴毒為災一無之字以

殞其命舟次祠下孫曰祠謂黃陵廟是用有禱於于神神享其

衷賜以吉卜曰如汝志石本無汝字蒙神之福啟帝之心去

潮即袁孫曰十四年十月自潮徙袁今又獲位於朝復其章綬孫曰十五

年九月自袁名為國子祭酒復賜金紫退思往昔實發夢寐凡累年於今

乃合

累字或作三
或作四皆誤

夙夜悚惕

悚一作怵

敢忘神之大庇伏以

祠宇毀頓

一作損

憑附之質丹青之飾暗昧不蠲

石本作圭圭潔

也當

不稱靈明

一作明靈

外無四垣堂陞頽落牛羊入室居民

行商不來祭享輒敢以私錢十萬祈于邦伯

嚴曰邦伯即廟碑所

謂岳州刺史王堪是也石本無上四字

修而作之

孫曰公至京以私錢十萬抵岳州刺史王堪請

修二

舊碑斷折

斷一作中

其半仆地文字缺滅幾不可讀謹

修而樹之廟成之後將求玉石仍刻舊文因銘其陰以

大振顯君夫人之威神以報靈德俾民承事萬世不怠

惟神其鑒之尚饗

始將既修樹舊碑仍刻其文於新石因銘其陰舊碑石既多破落文不可盡識移之於新或失其真遂不復刻

祭竇司業文

韓曰竇名牟長慶二年卒公嘗誌其墓此文公自稱兵部侍郎則是年未使王庭湊前作也孫曰元年七月公為兵部侍郎二年九月庚寅遷吏部侍郎

維年月日兵部侍郎韓愈謹以清酌庶羞之奠祭于故

國子司業竇君二兄之靈

孫曰竇牟字貽周扶風平陵人

惟君文行夙

成有聲江東魁然厚重長者之風一舉於鄉遂收厥功

樊曰此即公誌年墓舉進士登第也孫曰登貞元二年第

屢佐大侯以調兵戎

樊曰誌所

謂佐六府五公也孫曰佐昭義軍節度使李長榮盧從史東都留守崔縱鄭餘慶等凡六府祝曰調如前漢十

年不調之調詔曰予虞汝為郎中

樊曰誌所謂拜虞部郎中也孫曰元和五

年乃令洛陽歲且四終

樊曰誌所謂轉洛陽令也惟刑之慎掌正隸

僮

樊曰誌所謂為都官郎中也蓋都官刑部之屬掌隸簿錄給衣糧醫藥理其訴冤

命守高平

樊曰誌所謂出為澤州刺史也

命副儒宮

樊曰誌所謂為國子司業也。副一作制

朱衣銀

魚象服以崇錫榮考妣孝道上窮官不滿能亦云達通

踰七八年孰非望公

樊曰誌所謂年卒年七十四在。一作踰七望八年孰非翁

君無憾我意不克君之昆弟

孫曰年兄弟五人常年羣庠輩

三以辭雄

孫曰常字中行大歷十四年登第弟輩字汝封元和二年登第及年為三雄矣

刺史郎中四繼

三同

孫曰謂年庠相繼為澤州刺史樊曰四繼三同則常年羣庠皆為之也

於士大夫可

謂顯融我之獲見實自童蒙既愛既勸在麻之蓬

補注荀子

曰蓬生麻中不扶自直

自視雛鷺

音冠

望君飛鴻四十年餘事如夢

樊曰誌所謂愈少年十九歲以童子得見於今四十年也。一云四十餘年事半如夢

分宰河

洛媿立並躬

樊曰河陽洛陽河南府二縣年嘗令洛陽公令河南

俱官於學以纖

臨洪

樊曰公為國子祭酒年為司業

惠詩不醅

詩一作許

報德以空死生莫

接孰明我衷於祭告情文以自攻嗚呼哀哉尚饗

祭主簿侯喜文

韓曰舊本作侯主簿繼恐非是詳觀公此文當是為侯喜作公嘗與喜漁於溫洛有詩云吾黨侯生字叔起呼我持竿釣溫水故此文有我釣我遊莫不我隨之語嘗薦喜於盧郎中陸負外其辭與此文所稱惟子文學今誰過之之意亦相表裏以是知非侯繼也

維年月日吏部侍郎韓愈

孫曰長慶二年九月公為吏部侍郎

謹遣男殿

中省進馬侖

嚴曰退之諸子有名昶者長慶四年進士登第小說中亦載其為集賢校理曰符曰

與曰殿中省進馬雖載於集而他處
不見唯符見於孟郊張籍詩中耳

致祭于亡友故國

子主簿侯君之靈嗚呼惟子文學今誰過之子於道義

罔不拾遺

罔一作困
拾一作捨

我狎我愛人莫與夷

補注夷
等夷也

自始

及今二紀於茲我或為文筆俾子持唱我和我問我以

疑我釣我遊莫不我隨我寢我休莫爾之私朋友昆弟

情敬異施惟我與子無適不宜棄我而死嗟我之衰相

好滿目少年之時人之云亡

一作日
月云亡

今其有誰誰不富

貴而子為羈我無利權雖怨曷為子之云葬我方齋祠

哭送不可誰知我悲嗚呼哀哉尚饗

祭竹林神文

樊曰公祭文二其一祭竹林神其二祭曲江
龍皆以旱禱其後賀雨表亦云季夏以來雨
澤不降臣職司京邑祈禱實頻謂
此皆長慶三年為京尹時作也

維年月日京兆尹兼御史大夫韓愈謹以酒脯之奠再
拜稽首告于竹林之神曰天子不以愈為愚不能使尹
茲大衆二十三縣之人今農既勤於稼有苗盈野而天
不雨將盡槁以死農將無所食鬼神將無以為饗國家

之禮天地百祀神祇不失其常惠天下之人不失其和
人又無罪何為造茲旱虐以罰也將俾尹者不仁不明
不能承帝之敕以化正其下聞無香惟腥孫曰書上帝
監降民間有
馨香德刑發聞惟腥。聞音問神於惠罰無差孫曰惠與罰
無差忒也施罪瘠于
尹愈身孫曰瘠猶病也
瘠秦音切是甘是宜雨則時降神無爽其
聰明永饗于人無媿尚饗

祭曲江龍文

維年月日京兆尹兼御史大夫韓愈謹以香果之奠敢

昭告于東方青龍之神天作旱災嘉穀將槁乃於甲乙

之日依準古法作神之象

孫曰董仲舒求雨法甲乙日為青龍一長八丈居中為小

龍七長各四丈於東方丙丁日為赤龍一長七丈小龍七長各三丈五尺戊巳日為黃龍一長五丈小龍七各長二丈五尺庚辛日為白龍一王癸日為黑龍一皆倣此齋戒祀禱神其享祐之將降甘雨以惠茲人

一有急急如律令五字

祭馬摠僕射文

注詳本篇

嚴曰退之長慶三年冬自京兆尹復為兵部侍郎又遷吏部侍郎其為京兆也有舉馬摠自代狀今祭文稱吏部侍郎則摠以是年冬死也

維年月日

孫曰維長慶三年

吏部侍郎韓愈

孫曰長慶三年九月公為吏部侍郎

謹以清酌庶羞之奠敬祭于故僕射馬公十二兄之靈

補注馬十二名摠字會元扶風人

惟公弘大溫恭全然德備天故生之

其必有意將明將昌實艱初試佐戎滑臺斥由尹寺

樊曰

貞元十三年四月以姚南仲鎮滑臺辟摠為從事十六年監軍使薛盈珍誣奏南仲不法摠坐貶為泉州司馬

適彼甌閩

孫曰甌閩泉州

餽飢跋躋

孫曰餽飢危也易困于餽飢孫曰詩狼跋其胡載震

其尾跋躋言進退有礙。餽魚列切

顛而不踈

祝曰說文云踈

足跌也孫曰踈與踈同折也。踈於臥切

乃得其地于泉于虔始執郡符

樊曰

元和初摠為

遂殿交州

韓曰殿鎮也詩殿天子之邦孫曰四年以摠為安南都護安南

漢交州也。

抗節番禺

樊曰柳子厚曹谿大鑒禪師碑云摠刺虔州都護安南由海中

大蠻夷連身毒之西浮舶聽命咸被公德受旂素節戟來蒞南海番禺即南海郡廣州也本傳作挂管誤孫曰

八年十二月以摠為嶺南節度。番禺潘禺音愚

去其螟蠹蠻越大蘇

孫曰摠敦儒學

長於政術在南海累年清康不撓夷獠便之於漢所立銅柱之處以銅千五百斤特鑄二柱刻書唐德以繼伏波之迹以綏蠻功就加金紫

擢亞秋官

樊曰自嶺南入為刑部侍郎

朝得碩士人謂其崇我勢始起東征淮蔡相臣是使

孫曰

十二年七月以宰相裴度為彰義軍節度使仍充淮西宣慰使公兼邦憲以副經紀

孫曰

十二年以摠兼御史大夫充
淮西行營諸軍宣慰副使

殲彼大魁

殲將康切

厥勲孰似

丞相歸治留長蔡師

孫曰吳元濟誅摠留蔡州為彰義留後奏改彰義為淮西十二月以

摠檢校工部尚書蔡州
刺史充淮西節度使

茫茫黍稷

泰一作黎

昔實棘茨鳩鳴

雀乳不見巢鵲

孫曰摠以淮西久陷賊寇人不知法威刑勸導咸令率化賊之偽迹一皆削盡

惟蔡及許舊為血仇命公并侯

孫曰十三年五月以摠為許州刺史忠武軍節

度陳許潞等州觀察處置等使潞舊屬淮西故云并侯

耕借之牛束其弓矢禮讓

優優始誅郾戎

郾音運

厥墟腥臊公往滌之茲惟樂郊

孫曰

十四年二月誅東平節度使李師道三月以摠檢校刑部尚書為鄆州刺史天平節度鄆曹濮等州觀察等使

詩曰適彼樂郊惟東有獒祝曰獒狂犬也淮南子獒狗不惟西

有虺

韓曰虺蜥也。許題切

顛覆明鄰我餘有幾

孫曰七月沂州軍亂殺節度使王遂

長慶元年七月盧龍軍亂因節度使張弘靖成德亂殺節度使田弘正二年正月魏博節度使田布自殺三月

武寧軍節度使崔

崔為軍中所逐

崔音律

斬其脊尾岱定

河安

孫曰河岱兗鄆之境嚴曰東平在河岱之間鄆州漢堂詩序云于時沂密始分而殘其帥其後幽鎮

魏不悅于政相扇離變復歸于舊徐亦乘勢逐帥自置同于三方唯鄆也截然中居四鄰望之若防之制水恃

以無恐故有岱

惟公之題

題是也。題羽鬼切

帝念厥功還公于

朝陟于地官且長百僚

樊曰十二月以摠檢校尚書左僕射守戶部尚書

度彼

四方孰樂可據顧瞻鈞衡

一作衡鈞

將舉以付惟公積勤以

疾以憂及其歸時當謝之秋

祝曰謝致仕也

賀門未歸弔廬已

萃未燕于堂已哭于次

補注三年八月愍卒

昔我及公實同危事

孫曰謂同征淮蔡

且死且生誓莫捐棄歸來握手曾不三四曾

不濡翰醕酢文字曾不醉飽以勸酒哉

韓曰說文云哉大臍也。哉側

吏切奠以叙哀其何能致嗚呼哀哉尚饗

弔武侍御所畫佛文

樊曰公太學彈琴詩序有武少儀者時為司業後以太常少卿兼御史中丞使南詔此所

謂御史武君者豈其人耶韓曰武侍御或以
為少儀或以為儒衛姓氏及官御史皆同未
知孰是公不信
釋氏故作此文

御史

一作侍御

武君當年喪其配斂其遺服櫛珥繁悅于篋

祝曰櫛梳也禮記咸盥漱櫛縱笄總珥耳璫也繁小囊
也禮記施繁褻悅佩巾也。櫛側瑟切珥乃吏切繁音
盤悅始銳切
繁一作肇
月旦十五日則一出而陳之抱嬰兒以泣

有為浮屠之法者造武氏而諭之曰是豈有益邪吾師

云人死則為鬼鬼且復為人隨其所積善惡受報

一無其字

環復不窮也

環一作旋

極西方有佛焉其土大樂親戚姑能

相為圖是佛而禮之願其往生莫不如意

樊曰柳子厚永州龍興寺

修淨土院記中州之西有國曰身毒釋迦示現之地彼佛言曰西方有世界曰極樂佛號無量壽如來其國無三惡八難衆寶以為飾其人無七纏九惱羣聖以為友有能誠心大願歸心是土者苟能念力具足則往生彼國然後出

武君憮然辭曰

祝曰憮然失意之兒

吾儒者其可以為

是既又逢月旦十五日復出其篋實而陳之抱嬰兒以泣殆而悔且曰是真何益也吾不能了釋氏之信不又安知其不果然於是悉出其遺服櫛珮合若干種就浮屠師請圖前所謂佛者浮屠師受而圖之韓愈聞而吊之

曰

哲哲兮目存

祝曰詩明星哲哲注猶煌煌也孫曰哲哲形容潔白兒。哲音制一本下哲字作哲

丁寧兮耳言

孫曰兒尚存乎目言尚存乎耳言死未久也

忽不見兮不聞

一無

兮字一作忽不見不有兮

莽誰窮兮本源圖西佛兮道予懃以妄塞

悲兮慰新魂

祝曰妄謂佛也。慰下一有斯字

嗚呼奈何兮弔以茲文

祭故陝府李司馬文

樊曰李司馬名邦雍王會七世孫長慶元年二月卒詳見公所誌邦墓。邦薄經切一本

無故陝

府三字

維年月日

孫曰維長慶元年
歲次辛丑五月日

守國子祭酒賜紫金魚袋

韓愈謹以清酌之奠祭于故陝府左司馬李公之靈曰

公學以為耕文以為獲發憤孤身復績厥家

孫曰邢生
未晬而父

卒母抱置之姑氏以去至五六歲問知本末因不與羣
兒戲能誦書百餘萬言於是縱學無所不觀績一作績

選于吏部亟以科進

孫曰以朝邑員外尉赴選顏真卿
第其所試文為上等擢為同官正

尉歷臨大邑惟政有聲

孫曰歷試陸
渾南鄭令

遂承宗正日朝帝

庭出輔陝都吏畏寮慕子婦諸孫盈于室堂

孫曰邢七
男三女內

外孫十公姑悦喜

姑一
作始

五福具有大夫士家孰不榮羨

如何不常以至大故嗚呼哀哉愈以守官不獲弔送

孫曰

是歲五月
葬華陰縣

昏姻之好

樊曰邢子漢公婿也

以哀以悲敬致微禮公

其歆之尚饗

祭虢州司戶十二兄文

樊曰司戶名岌公誌其墓甚
詳。一本無虢州司戶四字

月日從父弟某官某乙謹以清酌庶羞之奠敢昭告于

十二兄虢州司戶府君之靈嗚呼惟我皇祖

孫曰皇祖
名岌素仕

唐為桂州長史有子四人長仲卿秘書郎次少卿
卿當塗丞次雲卿禮部郎中次仲卿仲卿生岌有孫八

人樊曰其孫曰會曰介曰愈曰俞曰爰見於世系表及公集者才五人又有奔為殿中侍御史死平涼之盟

其二人逸矣

惟兄與我後死孤存奈何今日一作於今又棄而先

韓曰爰以元和元年卒於號

生不偕居疾藥不親斂不摩棺瘞不繞

墳祝曰瘞幽隱也

趨奔束制

奔一作生

生死虧恩歸女教男

反骨本原

樊曰是歲九月葬爰號州北十里公意蓋欲異時反其柩而歸葬于先原故云

其不

有年以補我愆長號送哀以薦此文尚饗

祭鄭夫人文

夫人公嫂

注詳本傳

維年月日

孫曰正元十一年

愈謹於逆旅備時羞之奠

韓曰祭老成文

云吾往河陽遇汝從嫂喪來葬此云逆旅備時羞之奠云云孰云此來乃睹靈車必往河陽時也

再拜

頓首敢昭告于六嫂榮陽鄭氏夫人之靈

孫曰鄭氏公之兄起居舍

人會之夫人也

嗚呼天禍我家降集百殃我生不辰

孫曰詩桑柔之詞辰

也三歲而孤

孫曰大歷五年公父仲卿卒公時三歲

蒙幼未知鞠我者兄

嚴曰李翔退之行狀云生三歲父歿養於兄會舍

在死而生實惟嫂恩未亂一

年

祝曰亂毀齒也周禮與未齒者皆不為奴韓曰男八歲女七歲而齒。亂初靳切又初謹切

兄宦

王官提攜負任

孫曰負亦任也詩曰是任是負

去洛居秦念寒而衣念

飢而食疾沴水火

祝沴灾也。沴郎計切又音戾

無災及身劬勞閔閔

保此愚庸年方及紀

孫曰十二年曰紀嚴曰舊史云大歷十二年五月起居舍人韓會坐

元載貶官退之是時年十一從至貶所復志賦謂當歲行之未復從伯氏以南遷是也其後兄歿南方從嫂歸

荇河陽故李漢集序云先生生於大歷戊申幼孤隨兄播遷韶嶺兄卒鞠於嫂氏辛勣來歸

薦及凶

屯兄罹讒口承命南遷

孫曰大歷十二年宰相元載得罪四月會坐黨與自起居舍人

貶韶州刺史

窮荒海隅天閔百年

孫曰會卒于韶年四十二

萬里故鄉幼

孤在前相顧不歸泣血號天微嫂之力化為夷蠻水浮

陸走丹旄翻然至誠感神返葬中原

孫曰葬于河陽

既克返葬

遭時艱難百口偕行避地江濱

孫曰家于宣州嚴曰建中二年中原多故退之

避地江左即復志賦所謂值中原之有事兮將就食於江南是也

春秋霜露薦敬蘋蘩

以享韓氏之祖考曰此韓氏之門視余猶子誨化諄諄

爰來京師

孫曰貞元二年公自宣州遊京師

年在成人屢貢于王名迺

有聞念茲鈍頑非訓曷因感傷懷歸殞涕熏心苟容躁

進不顧其躬祿仕而還以為家榮奔走乞假東西北南

孰云此來迺睹靈車有志弗及長負慙懃嗚呼哀哉昔

在韶州之行受命于元兄曰爾幼養于嫂喪服必以暮

今其敢忘天實臨之

洪曰貞觀中魏徵令狐德棻等議嫂叔服云或有長年之嫂遇孩提

之叔劬勞鞠養情若所生分飢共寒契闊偕老其在生也愛之同於骨肉及其死則推而達之求之本原深所未諭且事嫂見稱載籍非一鄭仲虞則恩禮甚篤顏洪都則竭誠至感馬援則見之必冠孔汲則哭之為位察其所尚豈非先覺嫂叔舊無服今請服小功五月制可公幼養於嫂服脊以報可為士大夫之法矣李漢序公文集及李習之狀亦云

嗚呼哀哉日月有時歸合塋封終天永辭

絕而復蘇伏惟尚饗

祭兄子十二郎老成文

樊曰老成公之姪率府參軍介之子也介二子長百川季老成起居舍人曾無子以老成

為後老成生湘滂百川死公乃命滂歸後其
祖介建中初公從會喪歸葬河陽遭中原亂
與老成避地江南至是老成死于江南貞元
十七年也斯文蓋公所謂喜往復善自道者
在當時無對後二百七十年歐陽文忠公為
其父作隴岡阡表始足以追配公此作覽者
當自知之

年月季父愈聞汝喪之七日乃能銜哀致誠使建中遠

具時羞之奠告汝十二郎之靈嗚呼吾少孤

補注大歷五年公父

仲卿卒公四歲

及長不省所怙惟兄嫂是依

樊曰兄會嫂夫人鄭氏也

中年

兄歿南方

孫曰會責守韶州卒于貶所

吾與汝俱幼從嫂歸葬河陽

孫曰河陽
河南府

既又與汝就食江南零丁孤苦未嘗一日相

離也吾上有三兄

樊曰公二兄
會介其一闕

皆不幸早世承先人後

者在孫惟汝在子惟吾兩世一身形單影隻嫂嘗撫汝

指吾而言曰韓氏兩世惟此而已汝時尤小當不復記

憶吾時雖能記憶亦未知其言之悲也吾年十九

樊曰
貞元

二始來京城其後四年

嚴曰貞元
六年也

而歸視汝又四年吾

往河陽省墳墓遇汝從嫂喪來葬

樊曰貞元
十一年

又二年吾

佐董丞相幕于汴州

孫曰十三年七月董晉帥汴州汝
辟公為節度推官。一無幕字

來省吾止一歲請歸取其孥明年丞相薨吾去汴州

孫曰

十五年二月丞相董晉卒

汝不果來是年吾又佐戎徐州

孫曰是歲秋張建封

辟公為徐州節度

使取汝者始行吾又罷去

孫曰十六年五月張

推官。一無又字

建封卒公西歸洛陽

汝又不果來吾念汝從于東東亦客也不可

以久圖久遠者莫如西歸將成家而致汝嗚呼孰為汝

遽去吾而沒乎

而一作先

吾與汝俱少年以為雖暫相別終

當久相與處故捨汝而旅食京師以求斗斛之祿誠知

其如此雖萬乘之公相吾不以一日輟汝而就也去年孟

東野往

孫曰東野為溧陽尉

吾書與汝曰吾年未四十而視茫茫

而髮蒼蒼而齒牙動搖

邵太史曰文用助字柳子厚論當否不論重復檀弓曰南宮縚

之妻之姑之喪退之亦曰吾年未四十而視茫茫而髮蒼蒼而齒牙動搖近時六一文安東坡三先生知之

念諸父與諸兄皆康彊而早世如吾之衰者其能久存

乎吾不可去汝不肯來恐旦暮死而汝抱無涯之戚也

孰謂少者歿而長者存彊者夭而病者全乎嗚呼其信

然耶其夢耶其傳之者非其真耶信也吾兄之盛德而

天其嗣乎汝之純明而不克蒙其澤乎少者彊者而天

歿長者衰者而存全乎未可以為信也夢也

一有而字

傳之

非其真也東野之書耿蘭之報

一有則字

何為而在吾側也

嗚呼其信然矣信吾兄之盛德而天其嗣矣

舊本此句上無信字

汝之純明宜業其家者不克蒙其澤矣所謂天者誠難

測而神者誠難明矣所謂理者不可推而壽者不可知

矣雖然吾自今年來蒼蒼者或化而為白矣動搖者或

脫而落矣毛血日益衰志氣日益微幾何不從汝而死

也死而有知其幾何離

一作雖

其無知悲不幾時

一作悲不知幾

時而不悲者無窮期矣汝之子始十歲吾之子始五歲

少而彊者不可保如此孩提者又可冀其成立耶

孫曰汝之

子始十歲謂湘也吾之子始五歲謂昶也其後湘登長慶三年第昶登四年第昶生館哀館咸通四年哀七年進士天之所以昌韓氏之後者如此孰謂不可冀其成立者耶

嗚呼哀哉嗚呼哀哉汝

去年書云比得軟脚病

比一作此

往往而劇吾曰是疾也江

南之人常常有之未始以為憂也

一無也字

嗚呼其竟以此

而殞其生乎抑別有疾而至斯極乎

一無極字

汝之書六月

十七日也東野云汝歿以六月二日耿蘭之報無月日

蓋東野之使者不知問家人以月日如耿蘭之報不知

當言月日

言一作時月日一本皆作日月

蓋東野與吾書乃問使者使

者妄稱以應之耳

稱一作傳

其然乎其不然乎今吾使建中

祭汝弔汝之孤與汝之乳母彼有食可守以待終喪則

待終喪而取以來如不能守以終喪則遂取以來其

餘奴婢並令守汝喪吾力能改葬終葬汝於先人之兆

一無終葬二字

然後惟其所願焉

一無焉字

嗚呼汝病吾不知時汝

歿吾不知日生不能相養以其居

一作生不能以相養共居

歿不得

撫汝以盡哀斂不得憑其棺窆不得臨其穴

祝曰窆葬也周禮及

窆執斧以粒注臨下棺也。窆陂驗切

吾行負神明

行一作何

而使汝天不孝

不慈而不得與汝相養以生相守以死一在天之涯一

在地之角

一作下

生而影不與吾形相依

而一作之

死而魂不

與吾夢相接吾實為之其又何尤彼蒼者天曷其有極

自今已往吾其無意於人世矣當求數頃之田於伊潁

之上以待餘年教吾子與汝子

教一作養

幸其成長吾女與

汝女待其嫁如此而已嗚呼言有窮而情不可終汝其

知也耶其不知也耶

一本無二也字

嗚呼哀哉尚饗

祭周氏姪女文

樊曰公兄俞之女適四門博士周況元和十一年卒其詳見公所誌墓公時為中書舍人

維年月日十八叔叔母具時羞清酌之奠祭于周氏二

十娘之靈

孫曰俞為開封尉女名好好

嫁而有子女子之慶

孫曰元和三年

周況登第公以好好妻之生一男一女

纏疾中年又命不永

孫曰卒時今年二十七今

當長歸與一世違凡汝親戚孰能不哀撰此酒食以與

汝訣汝曾知乎我念曷閔尚饗

祭姪孫滂文

樊曰老成二子湘滂於公為姪孫元和十四年春公自刑部侍郎出守潮州湘滂實從行冬公移袁滂至袁卒詳見公所誌

維年月日

孫曰維元和十五年歲次庚子月日

十八翁及十八婆盧氏

孫曰

公夫人高平盧氏

以清酌庶羞之奠祭于二十三郎滂之靈曰汝

聰明和順出於輩流強記好文又少與比將謂成長以

興吾家如何不祥未冠而夭

補注滂卒年十九

吾與盧氏痛傷

何言思母之恩連呼以絕執兄之手勉以無悲情一何

長命一何短權葬遠地

樊曰權葬滂於袁州郭南孤魂無依瀝酒告

情哀何有極尚饗

祭李氏二十九娘子文

樊曰公之姪孫女也其李干妻歟公嘗誌于墓曰李干余兄孫婿也長慶二年卒其妻墓而合葬之其曰合葬者先干死也則二十九娘子者干之妻明矣

維年月日十八叔翁及十八叔婆盧氏遣昶

樊曰昶公之子長慶

四年登第嚴曰昶恥兩切退之以庶羞之奠祭于李

子字有之或云一名佶小字符郎氏二十九娘之靈曰汝之警敏和靜人莫及之姿相豐

端不見闕虧幼而孤露其然何為出從于人既相諳熙
又暴以天神何所疵生殺滅益竟誰主尸我哀汝母孰
慰窮蹙。韓曰蹙無夫也。蹙陵之切。我憐汝兒誰與抱持念此傷心
不能去離奠以送汝知乎不知尚饗

祭張給事文

樊曰張給事徹也元和四年登第詳見公所誌墓云

維年月日

孫曰維長慶四年歲次甲辰

兵部侍郎韓愈謹以清酌之

奠祭于故殿中侍御史贈給事中張君之靈惟君之先

以儒名家逮君皇考再振厥華卿貢進秀有司第之從

事元戎謹職以治

孫曰皇考名休嘗佐宣武軍

遂拜郎官以職王憲

不長其年飛不盡翰乃生給事松貞玉剛幹父之業纂

文有光屢辟侯府亦佐梁師前人是似耄吏嗟咨

祝曰爾雅

注云八十為耄詩云逝者其耄。耄達結切

御史闕人奪之於朝大厦之構

斧斤未操府遷幽都頑悖未孚繫君之賴乃奏乞留

孫曰

長慶元年三月以宣武軍節度使張弘靖為盧龍節度使徹先為宣武從事累遷監察御史至是弘靖仍辟徹為盧龍判官時牛僧孺奏徹為真御史弘靖遣之而密奏幽州不廷日久今臣始至須強佐乃濟行半道有詔

以徽

乃遷殿中朱衣象板

孫曰徽遷殿中侍御史賜惟緋衣銀魚仍為盧龍判官

義之趨豈利之踐虺豺發覺闔府屠剝償其恨犯君獨

高脫露刃成林弓矢穰穰

祝曰穰穰多也詩豐年穰穰。穰如羊切

千萬為

徒譟誰為狂君獨叱之上不負汝為此不祥將死無所

雖愚無知慙屈變色君義不辱殺身就德

樊曰七月軍亂都知兵馬

使朱克融因弘靖於薊門館殺幕僚等以徽長者不殺置徽於弘靖所居月餘遷之別館徽出門罵曰汝何敢反行且罵衆

天子嘉之贈官近侍

孫曰幽州監軍以其事聞贈給事歸

於一死萬古是記我之從女為君之配

樊曰徽妻開封尉俞之女為公

之從君於其家行實高世無所掩葬

歐本掩一作於

與魂東歸

孫曰徹死或收瘞之其友侯雲長佐鄆帥請於其帥馬
總遣人以幣請之范陽范陽人義而歸之詔所在給舉
傳其家賜錢物以誄以贈之莫知我哀嗚呼哀哉尚饗
葬。與一作與

祭女孥女文

樊曰女孥公第四女。孥女加汝書二切嚴
曰元和十四年退之貶潮州女孥年十二死
于商南層峯驛藁葬道傍長慶三年二月退
之為京兆尹始歸其骨而葬之河陽集有題
層峯驛詩
并壙銘

維年月日

孫曰維長慶三年歲次癸卯十一月日

阿爺

祝曰南史人歌曰
始興王人之爹赴

人急如水火荆土方言謂父為爹。爹徒可切阿八使汝妳以清酒時果庶羞

之奠祭于第四小娘子拏之靈嗚呼昔汝疾革

一作亟又作殭

值吾南逐蒼黃分散使汝驚憂我視汝顏心知死隔汝

視我面悲不能啼我既南行家亦隨譴扶汝上輿走朝

至暮大雪冰寒

大一作天

傷女羸肌

女一作汝

撼頓險阻不得少

息不能食飲又使渴飢死于窮山

樊曰元和十四年正月公以論佛骨貶潮州

拏子年十二在病輿致走道撼頓失飲食節二月二日死于商南層峯驛

實非其命不免水

火父母之罪

孫曰昭十九年穀梁傳子阮生不免乎水火父母之罪也

使女至此豈

不緣我草莽路隅

樊曰棼死即瘞道南山下

棺非其棺既瘞遂行誰

守誰瞻魂單骨寒無所託依人誰不死於汝即寃我歸

自南乃臨哭汝

孫曰元和十五年九月公自袁州入為國子祭酒

汝目汝面在

吾眼旁汝心汝意寃寃可忘

寃寃一作宛宛

逢歲之吉致以先

墓

樊曰長慶三年十月四日公尹京兆發其骨歸葬河陽。以一作汝

無驚無恐安以即

路飲食柔甘

柔一作芳

棺輿華好歸于其丘萬古是保尚饗

五百家註昌黎文集卷二十三

五百家註昌黎文集卷二十四 宋 魏仲舉 編

銘

唐故太子校書李公墓誌銘

韓曰按今石刻首題云韓愈撰段季展書其後題云十一年十二月建立疑立石在葬後石本與所刻本異者詳注于下今本止題云李元賓墓銘

李觀字元賓其先隴西人

石本有也字

始來自江之東食太

學之祿

石本無上五字

年二十四舉進士三年登上第

樊曰貞元八年

也又舉博學宏辭得太子校書又一年年二十九

樊曰
貞元

十年也嚴曰元賓二十四舉進士三年登上第貞元八年二十七也二十九死於京師貞元十年也

客死

於京師

於一作于

既斂三日

石本斂下有之字

其友人博陵崔弘禮

賣馬葬之于國東門之外七里

孫曰弘禮字從周博陵人。石本無賣馬二字

鄉曰某鄉原曰某原

一作某鄉某原石本鄉曰慶義原曰嵩原

友人昌黎韓

愈書石以誌之其辭曰

已乎元賓

石本乎字作序

壽也者吾不知其所慕夭也者吾不

知其所惡生而不淑孰為之壽

石本為之作謂其下同

死而不朽

孰為之天已乎元賓文高乎當世

樊曰本傳云觀屬文不旁公前人時謂與

愈相上下及觀少天而愈後文益工議者以觀文未極愈老不休故卒擅名陸希聲以為觀尚辭故辭勝愈尚質故理勝雖愈窮老不能加觀之辭觀後愈死亦不能逮愈之質。石本文作才

行過乎古人

石本過作出又有已乎元賓四字

竟何為哉竟何為哉

補注聞見錄云石本作意何為

哉竟何為哉石本之語妙

宣武軍觀察巡官試大理評事博陵崔公墓誌

銘

今本止題云崔評事墓誌銘

君諱翰字淑清博陵安平人曾大父知道仕至大理司直大父玄同為刑部侍郎出刺徐相州父倚舉進士天寶之亂隱居而終君既喪厥父攜扶孤老託于大江之

南卒喪通儒書作五字句詩敦行孝弟詆譖縱謔

一有處世

二字一有卓詭二字

不羈又善飲酒江南人士多從之遊貞元八

年君生四十七年矣

孫曰時年四十八

自江南應節度使王栖

曜命于鄜州

祝曰鄜州漢之鄜縣隋改為州孫曰貞元四年正月以左龍武大將軍王栖曜為鄜

州刺史鄜坊丹延節度使

既至表授右衛曹參軍實參幕府事直

道正言補益尤多

尤一作弘

既去職遂家于汝州刺史吳郡

陸長源

樊曰長源字泳之

引為防禦判官表授試大理評事十

二年相國隴西公作藩汴州而吳郡為軍司馬

孫曰貞元十二

年七月以董晉為宣武軍節度使八月長源自汝州授檢校禮部尚書充宣武軍行軍司馬隴西公即晉也

隴西公以為吳郡之從

一作從事

則賢也署為觀察巡官實

掌軍田鑿澮溝斬茭茹

茹一作茅

為陸田千二百頃

一無字水

田二千頃

一作三百頃一作五百頃

連歲大穰軍食以饒幕府以其

功狀聞使者未復命以十五年正月五日寢疾終于家

樊曰翰正月卒其後二月三日晉薨公從晉喪出汴四日而汴軍亂司馬陸長源以下凡從事之在汴者皆遇害則翰之死

年五十有六矣

嚴曰按崔翰銘前言貞元八年君生四十七年矣後

言以十五年正月五日終于家年五十有六若以八隴年為四十七則十五年才五十四耳其字必有誤

西公賻贈有加自始有疾吳郡率幕府寮屬日一至其

廬問焉其既甚也日再往問焉其終也往哭焉比小斂

大斂三哭焉於斂之二十日其妻與其子以君之喪旋

葬于汝州其二月某日遂葬于某縣某鄉某原君內仁

九族外盡賓客於其所止其來如歸苟親矣雖不肖收

之如賢

收一作視

苟賢矣雖貧賤待之如貴人是故其歿也

其弔者與其哭者其聲也必哀盡焉妻鄭氏也有子二

人女一人吾聞位不稱德者有後

者下一有其終二字

嗚呼君其

終有後乎銘曰

朝之言嘻嘻

韓曰嘻嘻和樂聲。喜欣基切

夕之言怡怡偕入而出

樊曰

公與翰同佐晉于汴州翰為觀察巡官公為推官

乘馬而馳一日不見而死吁

其可悲

施先生墓銘

祝曰施先生
名士丐吳人

貞元十八年十月十一日太學博士施先生士丐卒其寮

樊曰同
官曰僚

太原郭伋買石誌其墓昌黎韓愈為之辭曰

補注

公時為四門博士
亦士丐同僚也

先生明毛鄭詩通春秋左氏傳善講

說

樊曰劉公嘉話拾遺言予嘗與柳八韓十八詣施士
丐聽毛詩說維鷦在梁梁人取魚梁也言鷽自合求

魚不合於人梁上取其魚譬之人自無善事懷人之美
者如鷽在人梁上焉則毛注失之矣又說山無草木曰
岵所以言陟彼岵兮無可岵也以其無草木故以譬之
又說甘棠勿剪勿拜召伯所憇拜言人心之拜小低屈
也上言勿剪終言勿拜明召伯漸遠人思不忘也毛注
拜猶伐非也又說維北有斗不可挹酒漿言不得其人

也毛都不注此新史云士丐撰春秋傳未甚傳後文宗喜經術宰相李石因言士丐春秋可讀文宗曰朕見之矣穿鑿之學徒為異同但學者如浚井得美水而已何必勞苦旁求然後為得耶

朝之賢士大

夫從而執經考疑者繼往于門太學生習毛鄭詩春秋

左氏傳者皆其弟子貴游之子弟時先生之說二經

孫曰

時謂
伺也

來太學怡怡然坐諸生下恐不卒得聞先生死二

經生喪其師仕於學者亡其朋故自賢士大夫老師宿儒新進小生聞先生之死哭泣相弔歸衣服貨財先生年六十九在太學者十九年由四門助教為太學助教由

助教為太學博士

一云由四門助教為博士太學

秩滿當去諸生輒拜

疏乞留

一有或乞遷三字

或留或遷凡十九年不離太學

離一作

祖曰旭袁州宜春尉父曰姥

丑略切

濠州定遠丞妻曰太

原王氏先生卒子曰友直明州鄞縣主簿

祝曰鄞縣名前漢云

殺鄞鄞二縣長韓曰鄞縣會稽縣。鄞莫候切一作鄞

曰友諒太廟齋郎系曰

先生之祖氏自施父

孫曰施父魯大夫見桓九年左氏

其後施常事孔

子以彰

孫曰史記弟子列傳施之常字子桓。一無施字

讐為博士

孫曰漢書儒林傳施

讐字長卿宣

延為太尉

孫曰延字君子順帝陽嘉二年八月為太尉四年四月罷

太

帝時為博士

尉之孫始為吳人曰然曰績

孫曰吳志朱然字義封本姓施氏然子績字公

緒

亦載其跡先生之興公車是召纂序前聞于光有

曜古聖人言其旨密微箋注分羅顛倒是非聞先生

講論如客得歸卑讓眡眡

祝曰字當作眡眡誠也中庸眡眡其仁鄭氏注云眡

眡讀如誨爾諄諄懇誠貌

韓曰眡目也。眡朱倫切出言孔揚今其死矣誰嗣

其宗縣曰萬年原曰神禾高四尺者

樊曰禮弓孔子曰吾聞之古者

墓而不墳今丘也東西南北之人先生墓耶

也不可以弗識於是封之崇四尺

考功負外廬君墓表

一本負外下有
郎字表作銘字

愈之宗兄故起居舍人君

樊曰柳子厚先友記云韓會昌黎人善清言有文章

名最高然以故多謗至起居郎貶官卒以道德文學
則起居舍人君會也子厚以為郎誤矣

伏一世其友四人其一范陽盧君東美少未出仕皆

在江淮間天下大夫士謂之四蔓

韓曰永泰中會與盧東美張正則崔

造為友好談經濟之畧嘗以王佐自許時人號為四蔓舊史載於崔造傳新史亦具載之而撫言乃以何長師李華盧東美其義以為道可與古之臯蔓者侔韓衛為四蔓非是

故云爾或曰蔓嘗為相世謂相蔓

謂一四人者雖處而作為

未仕天下許以為相故云大歷初御史大夫李栖筠

由工部侍郎為浙西觀察使

孫曰大歷三年二月以栖筠為浙西觀察使栖

筠奏東美造為從事

當是時中國新去亂仕多避處江淮間

仕

作士嘗為顯官得名聲以老故自任者以千百數大夫

莫之取獨晨衣朝服從騎吏入下里舍請盧君君時

始任戴冠通詩書與其羣日講說周公孔子以相磨

礱浸灌婆娑嬉遊未有捨所為為人意既起從大夫
天下未知君者惟奇大夫之取人也不常必得人其

知君者謂君之從人也非其常守必得其從其後為

太常博士監察御史河南府司錄考功員外郎年五

十四而終

孫曰貞元中卒。一作年若干而終。

在官舉其職夫人李姓

隴西人作配君子

一云君在配君子

無違德君歿訓子女甚

得母道

一作得母道甚

後君二十年

或作十年

年六十六而終

將合葬其子暢命其孫立曰乃祖德烈靡不聞然其

詳而信者宜莫若吾先人之友先人之友無在者起居

又有季曰愈

又一作文

能為古文業其家是必能道吾父之

事業

一無汝其往請銘焉之字

汝其往請銘焉

其一作既

立於是奉其父命奔走

來告愈謂立曰子來宜也行不可一二舉且吾之生也

後不與而祖接不得其詳也其大者莫若衆所與觀所

與衆寡茲可以審其德矣乃祖未出而處也天下之士

一有大以為與古之臯鼂者侔且可以為相其德不既

夫二字

大矣乎講說周公孔子樂其道不樂從事於俗得所從

不釋外內

釋一作擇

奮而起其進退不既合於義乎銘如是

可以示於今與後也歟立拜手曰唯唯君祖子輿濮州

濮陽令父同舒州望江令夫人之祖延宗鄆州司馬父
進成鄜州洛交令男三人暢申易女三人皆嫁為士人
妻一無墓在河南某縣某原一作河南緱氏縣梁國之
人字
元和二年二月十日云

施州房武使君妻鄭夫人殯表

韓曰房使君武也時公為江陵
法曹而作今本無武字妻字

夫人之先出於周以鄭為氏因初侯

樊曰周厲王少子
友封於鄭是為成

公其地華州鄭縣是
也後世以國為氏

曾祖諱隨祖諱玠厥考諱絳

絳一作終

咸垂休歸于房宗生九子

樊曰夫人嫁房武有男六人次卿次公次肅次回次衡次

元女三人

左右黍稷祠春秋道順德嚴顯且裕宜壽而貴今

何謬

綢繆平聲謬庚去聲今何謬謂謬庚也叶韻作平聲

永貞冬至前四日

孫曰貞元

二十一年八月改元為永貞

寓殯墳此非其丘

樊曰武為施州刺史夫人卒殯于江陵元

和六年正月次公自江陵奉其喪與武合葬河南

宣武軍節度押衙左廂兵馬使兼馬軍先鋒兵

馬使上柱國清邊郡王楊燕奇碑文

今本止題云清邊郡王楊燕奇碑文

公諱燕字燕奇弘農華陰人也大父知古祁州司倉烈
考文誨天寶中實為平盧軍衙前兵馬使位至特進檢
校太子賓客封弘農郡開國伯世掌諸蕃互市恩信著
明夷人慕之祿山之亂公年幾二十

孫曰燕奇開元二十六年生天寶十

四年祿山反時燕奇年十八

進言於其父曰大人守官宜不得去

宜

作義王室在難某其行矣其父為之請於戎帥遂率諸將

校之子弟各一人間道趨闕變服詭行日倍百里天子
嘉之特拜左金吾衛大將軍負外置賜勲上柱國寶應

二年春詔從僕射田公平劉展

孫曰上元元年十一月宋州刺史劉展擁兵赴揚州

長史淮南節度使鄧景山逆擊不勝展進陷揚潤昇等州二年正月平盧兵馬使田神功生禽展揚潤平今云

實應又從下河北大歷八年帥師納戎帥勉于滑州

孫曰

大歷八年三月永平節度使令狐彰卒以工部尚書李勉為永平軍節度滑毫觀察等使九年從朝

于京師

孫曰是年十一月汴宋節度使田神功入朝京師九年正月神功卒樊曰神功本傳云大歷二

年來朝加檢校尚書右僕射而此云九年未知孰是

建中二年

年一作歲

城汴州

孫曰建中

二年三月功勞居多三年從政李希烈先登貞元二年

築汴州城

從司徒劉公復汴州

孫曰建中四年十二月李希烈陷汴州興元元年十一月宋毫節度

使劉洽大破希烈之衆希烈遁歸蔡州汴州平
今云貞元二年誤也樊曰司徒劉公謂劉元佐十二年

與諸將執以城叛者歸之于京師

孫曰十二年六月宣武節度使李萬榮病

其子迺自署為兵馬使軍中執之歸京師

事平授御史大夫食實封百戶賜

繒綵有加

一有以字

十四年年六十一五月某日終于家自

始命左金吾大將軍

一無大將軍三字

凡十五遷為御史大夫

職為節度押衙左廂兵馬使

左一作右

兼馬軍先鋒兵馬使

階為特進勳為上柱國爵為清邊郡王食虛邑三百戶

至三千戶真食

一有五字

百戶終焉公結髮從軍四十餘年

一作歲

敵攻無堅城守必完臨危陷難歔歔感發乘機應

會捷出神怪不畏義死不榮幸生故其事君無疑行其

事上無間言初僕射田公其母隔于冀州

補注神功冀州人

公

獨請往迎之經營賊城出入死地卒致其母田公德之

約為父子故公始姓田氏田公終而後復其族焉嗣子

通王屬良禎

補注通王名謙德宗次子

以其年十月

一作二月一作三月

庚寅

葬公于開封縣魯陵岡隴西郡夫人李氏祔焉

祝曰祔祭名亦

合葬也左氏不祔于姑。祔音附

夫人清夷郡太守祐之孫漁陽郡長

史獻之女柔嘉淑明先公而殂有男四人女三人後夫

人河南郡夫人雍氏某官之孫某官之女有男二人

一作或一有女一人一作二咸有至性純行夫人同仁均養親

族不知異焉君子於是知楊公之德又行於家也銘曰

烈烈大夫大一逢時之虞感泣辭親從難于秦維茲爰

始遂勤其事四十餘年或禪或專攻牢保危爵位已隳

既明且慎終老無隳魯陵之岡蔡河之側蒸蒸孝子思

顯勲績斷石於此式垂後嗣

河南少尹裴君墓誌銘

公諱復

孫曰俗本
多作稷非

字茂紹河東人曾大父元簡大理正

大父曠御史中丞京畿採訪使父虬

孫曰大厯初虬為
道州刺史五年與

澧州刺史楊子琳衡州刺史楊濟同討湖南之亂

以氣畧敢諫諍為諫議大夫

引正大疑有寵代宗朝屢辭官不肯拜卒贈工部尚書

樊曰歐陽公跋怡亭銘云裴虬撰李陽冰篆李莒書銘在武昌江水中有小島亭在其上銘刻於島石虬代宗時為道州刺史按公此文云虬為諫議大夫不云為道州刺史唐史亦不見其事歐陽豈得之怡亭銘耶公

舉賢良

孫曰貞元元年九月上策賢良方正能直言極諫三科舉人復與常執誼等十四人中賢良

拜同官尉

韓曰同官縣名屬京兆府

僕射南陽公開府徐州

孫曰貞元四年

十一月以濠壽廬三州團練使張建封為徐泗濠節度使

召公主書記三遷至侍

無

侍御史入朝歷殿中侍御史累遷至刑部郎中疾病改

河南少尹與至官若干日卒實元和三年四月二十三

日享年五十夫人博陵崔氏少府監頰之女

頰唐曰男他鼎切

三人璟質皆既冠其季始六歲曰彥郎卜葬得公卒之

四月壬寅遂以其日葬東都芒山之陰杜翟村公幼有

文年十四

李曰時寶應元年

上時雨詩代宗以為能將召入為

翰林學士尚書公請免曰願使卒學丁後母喪上使臨

弔又詔尚書公

詔一作語

曰父忠而子果孝吾加賜以勵天

下終喪必且以為翰林學士其在徐州府能勤以有勞

以一作而在朝以恭儉守其職居喪必有聞待諸弟友以善

教

一無友字

館嫠妹嫠音高畜孤甥能別而有恩歷十一官而

無宅於都無田於野無遺資以為葬斯其可銘也已銘

曰

裴為顯姓入唐尤為盛支分族離各為大家惟公之系

德隆位細曰子曰孫厥聲世繼晉陽之邑

孫曰晉陽復所居也。邑

或作色非

愉愉翼翼無外無私幼壯若一何壽之不遐而祿

之不多謂必有後其又信然耶

國子助教河東薛君墓誌銘

韓曰石本首云朝議郎守國子博士韓愈撰刊本與石本異今詳注於下

君諱公達字某

石本云字大順

薛姓曾祖曰希莊撫州刺史贈

大理卿

孫曰希莊父文思官中書舍人

祖曰元暉果州流溪縣丞贈左

散騎常侍

孫曰舊史云元暉官什邡令以播贈禮部郎中。自祖曰至常侍凡十六字係以石本添

八父曰播

孫曰元暉三子據摠播據開元十九年並登第尚書禮

部侍郎

孫曰貞元三年正月播卒贈本曹尚書

侍郎命君後兄授

石本作據授

為尚書水部郎中

石本水作禮

贈給事中君少氣高為文有

氣力務出於奇以不同俗為主

舊本作志石本作主

始舉進士不

與先輩揖作胡馬及圓丘詩

孫曰貞元九年公達登第是歲十一月上親郊圓丘

馬京師人未見其書皆口相傳以熟

石本有及補家令擢第三字

主簿佐鳳翔軍

孫曰正元三年二月以鳳翔留後邢君牙為鳳翔尹鳳翔隴州觀察使至是表公

達佐其軍軍帥武人君為作書奏讀不識句傳一幕以為笑

君不為變

石本無君字

後九月九日大會命射

石本無命字

設標

的高出百數十尺令曰中酬錦與金若干一軍盡射莫

能中者

一無者字

君執弓罽二矢挾一矢以興

挾字一本作拔石本作指

補注邵太史曰指一矢為妙語

揖其帥曰請以為公歡遂適射所一座

起隨之

石本座下有皆字

三發

石本作射三發

連三中的壞不可復射

中輒一軍大呼以笑連三大呼笑帥益不喜即自免去

自一作日

後佐河陽軍任事去害興利功為多拜協律郎益

棄奇與人為同今天子修太學官有公卿言詔拜國子

助教分教東都生元和四年年四十七二月十四日疾

暴卒君再娶

石本有初娶瑯琊王氏後娶京兆韋氏十二字它本韋或作韓或作常

凡四

男五女

石本凡下有產字

男生輒死

石本輒下有即字

自給事至君後

再絕皆有名遺言曰以公儀之子為已後

石本作已已後我補注已

已蓋公儀之子小字也

其年閏三月二十一日弟某官公儀殿中

侍御史公幹以君之喪葬京兆某縣

石本云弟試太子通事舍人公儀弟

京兆府司錄公幹以君之喪歸以五月十五日葬于京兆府萬年縣少陵原合祔王夫人塋

銘曰

宦不遂

洪曰前漢張釋之與兄仲同居以貧為騎郎事文帝十年不得調亡所知名釋之云久宦滅仲

之產不遂也或作官不能達官不能遷皆非石本作官不遂

歸譏於時

譏一作議

身不得

年又將尤誰世再絕而紹祭以不墮

監察御史元君妻京兆韋氏夫人墓誌銘

今本止題云韋

氏夫人墓誌銘

夫人諱叢字茂之姓韋氏

集注雲漢友議云元相國娶京兆韋氏字蕙叢

其上

七世祖父封龍門公

孫曰後周驃騎將軍晉州總管府長史韋通封龍門縣公

龍門

之後世率相繼為顯官

孫曰通子善嗣上谷太守善嗣子崇德太子諡德崇德子弼字

國顧主客郎中萊
濟商三州刺史

夫人曾祖父諱伯陽自萬年令為太

原少尹副留守

一有北都二字

卒贈秘書監

孫曰伯陽字子春弼之子也

其

大王父迨

一無大字

以都官郎為嶺南軍司馬卒贈同州刺史

史

孫曰伯陽子迨檢校都官郎中為嶺南節度行軍司馬

王考夏卿

孫曰夏卿字雲客。一無

王以太子少保贈左僕射

孫曰貞元十九年十二月以夏卿為太子少保卒年六十

四贈尚書左僕射。保下一有卒字

僕射娶裴氏臯女

一無僕射二字

臯為給事

中孫曰臯耀臯父宰相耀卿

孫曰耀卿字煥之開元二十一年十二月自京兆尹

為黃門侍郎平章事二十四年十一月罷

夫人於僕射為季女

一作少愛之為季女

選其壻得今御史河南元稹

樊曰稹字微之河南人

稹時始以選

授校書秘書省中

孫曰貞元十八年稹調判入第四等授秘書省校書郎選下一無授字

其後遂以能直言策第一

孫曰元和元年四月稹中才識兼茂明於體用科居第一

拜左拾遺果直言失官

樊曰稹為拾遺遇事輒舉始王叔文王伾蒙幸太子宮撓國政

稹謂宜選正人輔導因獻教本書又上疏條十事又諫詔令數易不能信天下又陳西北邊事憲宗悅召問得

失執政惡之又起為御史

樊曰元和三年舉職無所顧

夫人因前授教於賢父母

因一作固及得其良夫又授教於

先姑氏

孫曰稹母榮陽郡太君鄭氏

率所事所言

一作所勳

皆從儀法年

二十七

孫曰韋氏興元元年生

以元和四年七月九日卒卒三月

得其年之十月十三日葬咸陽從先舅姑兆銘曰

詩歌碩人爰叙宗親

孫曰詩碩人其頡衣錦裝衣齊侯之子衛侯之妻東宮之妹邢侯之

嬖譚公維私宗親謂此也

女子之事有以榮身夫人之先累公累卿

於赫外祖相我唐明歸逢其良夫夫婦婦獨不與年而

卒以天實生五子一女之存

孫曰韋氏一女曰保子後適校書郎韋絢銘于

埋辭

埋一作好

以永於聞

五百家註昌黎文集卷二十四

謹案卷二十三第十三頁前七行子婦諸孫刊本
婦訛父據東雅堂及天德堂本改

第十七頁後五行不可以久圖久遠者莫如西歸
刊本複出圖字無遠字係沿訛本之舊據東雅
堂及天德堂本改

第十八頁前二行注檀弓曰刊本弓訛公今改
第二十頁後一行注一本無二也字刊本二也訛
也二據考異改

第二十四頁後五行注以一作汝刊本汝訛沒據
考異改

卷二十四第三頁後一行注凡從事之在汴者刊
本在訛作今改


第六頁後八行四人者刊本脫者字據東雅堂及
天德堂本增

第八頁後六行題注今本無武字刊本缺武字按
東雅堂及天德堂本題即無武字今據補

第九頁前四行注貞元二十一年八月改元為永
貞刊本永貞訛正元據唐書順宗紀改

第十頁前八行注建中四年刊本建中訛正元據
唐書德宗紀改

第十三頁前二行注詔一作語據考異及東雅堂
天德堂本改



總校官庶吉士

臣侍

朝

校對官庶吉士

臣陳文樞

膳錄監生

臣魏綿曾

欽定四庫全書薈要

集部

五百家註昌黎文集卷二十五

六

臣

王杰詳校

詳校官助教臣常循



五百家註昌黎文集卷二十五 宋 魏仲舉 編

誌銘

唐故登封縣尉盧殷墓誌



一本無唐故樊曰孟郊有弔盧殷詩十首其一云登封草木深登封道路微日月不與光莓苔空生衣可憐無子翁虬蟬緣病肌摩臥歲時長連連但幽噫幽噫虎豹聞此外相訪稀至親唯有詩抱心死有歸河南韓先生後君作因依磨一片嵌巖書千古光輝謂公此也銘

元和五年十月日范陽盧殷以故登封縣尉卒登封年六十五君能為詩自少至老詩可錄傳者在紙凡千餘篇無書不讀然止用以自資為詩與諫議大夫孟簡協律孟郊監察御史馮宿好期相推挽

祝曰選或推或挽。推他回切卒

以病不能為官在登封盡寫所為詩投故宰相東都留

守鄭餘慶

孫曰元和三年六月以故相鄭餘慶為東都留守

留守數以帛米周

其家書薦宰相宰相不能用竟饑寒死登封將死自為

書告留守與河南尹

孫曰元和四年十二月以戶部侍郎房式為河南尹乞葬已

又為詩與常所來往河南令韓愈曰為我具棺留守尹
為具凡葬事韓愈與買棺又為作銘十一月某日葬嵩
山下鄭夫人墓中君始娶滎陽鄭氏後娶隴西李氏生
男輒死卒無子女一人學浮屠法不嫁為比丘尼云

唐故興元少尹房君墓誌銘

補注房君武也公嘗為其夫
人鄭氏作殯表今又誌其墓

房故為官族稱世有人自太尉琯

孫曰琯字次律河南人

以德行

為相相玄宗肅宗

孫曰天寶十五年七月玄宗拜琯吏部尚書同平章事至德二年五月罷

廣德元年卒贈太尉名聲益彰徹大行世號其門為太尉家宗族

子弟皆法象其賢公曾祖諱玄靜尚書膳部郎中歷資

簡涇隰四州刺史太尉之叔父也

孫曰玄靜父彥雲有二子長曰玄基次曰

玄靜玄基子融天后朝正諫大夫同鳳閣鸞臺平章事融子瑄祖諱肱為虢州司馬父

諱巒

一作藥

都水使者皆名能守家法

名一作多

公諱武字某

以明經歷官至興元少尹謹飭畏慎年七十三以其官終幼壯為良子弟老為賢父兄歷十二官處事無纖毫過差嘗以殿中侍御史副丹陽軍使其後為盤屋令

祝曰

盤屋縣名屬鳳翔。盤張施州刺史丹陽盤屋施州一

流切音鞠屋陟栗切音室上六吏民至今思之娶滎陽鄭氏女孫曰鄭生男六人

其長曰次卿次卿有大才不能俯仰順時年四十餘尚

守京兆興平尉然其友皆曰房氏有子也樊曰次卿字

年登第公詩有將歸贈孟東野次曰次公次膺次回次

衡次元始學而未仕女三人皆嫁為士人妻初公之在

施州夫人卒焉殯于江陵元和五年次卿與其羣弟奉

公之喪自興元至堂殯于伊水之南六年正月次公奉

夫人之喪自江陵至遂以其月十四日合葬河南緱氏

之高龍原公母弟式自給事中為河南尹

韓曰元和四年十二月以

戶部員外郎房式為河南尹

孝友慈良盡費其財以奉公葬未葬之

一月詔以河南為御史中丞領宣州觀察使

孫曰元和五年十二

月以式為宣

將行

一作往

召河南令韓愈泣謂曰吾兄之

葬於是而吾為尹於是吾以為得盡其道於吾兄也今

壓於上命不得視吾兄之棺入此土也豈非天耶子與

吾兄兒次卿游我重知子凡吾兄之終事將子是託焉

愈既不獲辭既助其凡役事退又為銘云
有位有名有弟有子從先人葬是謂受祉

唐故河南少尹李公墓誌銘

韓曰李公素也據史李素
無傳惟李錡傳附見焉

元和七年二月一日河南少尹隴西李公卒年五十八
斂之三月某甲子葬河南伊闕鳴臯山下前事之月其
子道敏哭再拜授使者公行狀以幣走京師乞銘于博

士韓愈

孫曰元和七年二月公自職
方員外郎左遷國子博士

曰少尹將以某月

日葬

一無某字

宜有銘其不肖嗣道敏杖而執事不敢違次

不得跣以請愈曰公行應銘法子又禮葬

一無葬字

敢不諾

而銘諸公諱素字某生七歲喪其父

孫曰上元三年素父藥卒

貧不

能家母夫人提以歸教畜于外氏

于下一有其字

以明經選主

號之弘農簿又尉陝之芮城李丞相泌觀察陝號以材

署運使從事

孫曰貞元元年七月以泌為陝號觀察水陸運使表素為從事

以課遷尉

京兆鄠

祝曰鄠京兆縣名左氏乃舍諸靈臺注在京兆鄠縣孫曰鄠邑名古有扈國。鄠音戶

考

滿以書判出其倫選主萬年簿而母夫人固在食其祿

母夫人卒三年改尉長安遷監察御史奏貶九卿一人改

詹事丞遷殿中侍御史由度支員外郎

一本度支上
有屯田二字

遷令

萬年

一作連
令萬年

公主奪驛田

主下有一簿字云簿
如簿錄之簿非是

京兆尹符

縣割與之公不與改度支郎中

度支一作屯田

使侍郎

孫曰元和
元年四月

以兵部侍郎李巽為
度支鹽鐵轉運使

介恃

一作特非

不禮其屬大夫士擅喜怒

賞罰公獨入讓不受劉闢平上以蜀賞高崇文

孫曰九月
聞誅十月

以崇文為西
川節度使

尚書省與崇文幕府

與一作以

爭鹽井因革便不

便命公使崇文崇文命幕府唯公命從即其日事以疏奏

侍郎外稱其能竟坐前敢抗已衢州饑擇刺史侍郎曰莫

如郎中李某遂刺衢州至一月遷蘇州

孫曰時以杜兼為蘇州刺史兼曰李

錡且反必且奏族臣上因留為吏部郎中而以素為蘇州刺史

李錡前反

一有權字

將之戍諸

州者刺史至斂手無與敵

孫曰二年十月鎮海節度使李錡反先是錡選腹心五人為所

部五州鎮將姚志安處蘇州李深處常州趙惟忠處湖州丘自明處杭州高肅處睦州察刺史動靜及將反各令殺

其刺

史公至十二日錡反公左右與賊戰州門不勝賊呼入

公端立責以義皆斂兵立不逼錡命械致公軍將斬以徇

及境錡遣敗縛公脫械還走州

樊曰錡反素為志安所敗生致于錡具桎梏釘于鉛

船未及京口十月潤州大將張子良李奉仙等執錡素獲免

賊急卒

一作竟平

不暇走死民

抱扶迎盡出天子使貴人持紫衣金魚以賜居三年州稱

治拜河南少尹行大尹事

樊曰六年三月以河南尹却士美為昭義軍節度使以素為少

尹行大尹事七年二月許孟容自兵部侍郎代素為尹

呂氏子炅

古迥字

棄其妻著道

士衣冠

著之畧切

謝母曰當學仙王屋山去數月復出間詣公

公立之府門外使吏卒脫道士冠給冠帶送付其母黜屬

令二人以賊

一作賊非

減民賦錢歲五十萬請緩民輸期一月

詔天下輸皆緩一月公一斷治不收聲事常出名上曾祖

弘泰簡州刺史祖乾秀伊闕令父燮宣州長史贈絳州刺

史母夫人燉煌張氏

祝曰燉煌郡名史記還至燉煌。燉音屯煌音皇

其舅參

一作

泰有大名君之配曰彭城劉氏夫人夫人先卒其葬以夫

人祔夫人曾祖曰子玄

孫曰子玄名知幾

祖曰餗

孫曰餗字鼎卿

皆有大

名公之子男四人長曰道敏舉進士其次曰道樞其次曰

道本

一有其次曰三字

道易皆好學而文女一人嫁蘇之海鹽尉

韋某

一作韋潛

自簡州而下皆葬鳴臯山下銘曰

高其上而坎其中以為公之宮奈何乎公

唐故集賢院校理石君墓誌銘

樊曰洪佐烏重胤於河陽公嘗有詩及序送之至是卒公祭以文又銘其墓。今本無唐

故集賢院

校理七字

君諱洪字濬川其先姓烏石蘭九代祖猛

或作七代非

始從

拓拔氏入夏

祝曰廣韻引周書王秉王興並賜姓拓至氏又有拓跋氏初黃帝子昌意少子受封

北上黃帝以土德王北俗謂土為拓謂后為跋故以拓跋為氏跋亦一作拔或說自云拓天而生拔地而長遂以為氏後魏孝文太和二十年改為元氏夏居河南遂去

謂中夏也。

拓音託拔蒲撥切拓或作拓

烏蘭獨姓石氏

孫曰後魏孝文皇帝太和十八年遷都洛陽二十年盡改複姓改烏石蘭止為

石氏以河南為望樊曰後魏官氏志烏石蘭氏改姓石氏有司空蘭陵公石猛而官號大司空

後七世至行褒官至易州刺史於君為曾祖易州生婺

州金華令諱懷一卒葬洛陽北山金華生君之考諱平

為太子家令葬金華墓東而尚書水部郎劉復為之銘

君生七年喪其母

孫曰洪大歷六年生十二年喪母

九年而喪其父

孫曰

大歷十四年喪父

能力學行去黃州錄事叅軍

樊曰李翱薦洪書云明經出身

曾任冀州糾曹今云黃州恐傳寫之誤

則不仕而退處東都洛上十餘年

行益修學益進交遊益附聲號聞四海

一作方

故相國

鄭公餘慶留守東都

孫曰元和三年六月以鄭餘慶為東都留守

上言洪可

付史筆李建拜御史

孫曰建字杓直元和三年十月高郢為御史大夫奏建為殿中侍御

史建舉洪自代

崔周禎為補闕皆舉以讓宣歙池之使

孫曰元和五年

七月以盧坦為宣歙觀察使

與浙東使

孫曰元和三年正月以薛平為浙東觀察使

交牒

署君從事

從上一有為字

河陽節度烏大夫重胤間以幣先走

君廬下

間一作聞

故為河陽得

一作所得

佐河陽軍

孫曰元和五年四月以烏

重胤為河陽節度使表洪為府參謀

吏治民寬考功奏從事考君獨於天

下為第一元和六年詔下河南徵拜京兆昭應尉校理

集賢御書明年六月甲午疾卒年四十二娶彭城劉氏

女故相國晏之兄孫

孫曰晏兄弟三人昱大理司直還杭州刺史幼則晏也

生男

二人八歲曰壬四歲曰申女子二人顧言曰葬死所

孫曰

謂止葬長安不歸洛陽也

七月甲申葬萬年白鹿原既病謂其游韓

愈曰子以吾銘銘曰

生之艱成之又艱若有以為而止於斯

唐故江西觀察使韋公墓誌銘

韓曰韋丹新史列之循吏傳皆取公墓誌及杜牧所作遺愛碑為之

公諱丹字某

孫曰字文明京兆杜陵人

姓韋氏六世祖孝寬仕周有

功以公開號於鄭

視曰孝寬名叔裕以字行仕周為大司空封鄭國公左氏鄭人軍其郊。

鄭音云。

一本有號鄭公三字

鄭公之子孫世為大官

孫曰孝寬子津位內史侍郎戶

部侍郎判尚書事津子琨字玄理唐太子詹事封武唯陽縣侯琨子幼平岐州叅軍幼平子抱貞梓州刺史

公之父政卒雒縣丞贈虢州刺史

孫曰政為漢州雒縣丞後贈右諫議大夫

公既孤以甥孫從太師魯公真卿學

一有真卿愛之四字舉明經

第一

一作及第

選授硤州遠安令

硤侯夾切

以讓其庶兄入紫閣山

事從父熊通五經登科

一作登明經科

歷校書郎咸陽尉佐邠

寧軍

孫曰貞元四年七月以張獻甫為
邠寧節度使獻甫表丹佐其府

自監察御史為

殿中侍御史徵拜太子舍人益有名遷起居郎吳少誠

襲許州

孫曰貞元五年八月少誠圍許州

拜河陽行軍司馬未行少誠

死

孫曰元和四年十一月少誠
卒此時未死死字當作敗

改駕部員外郎新羅國

君死公以司封郎中兼御史中丞紫衣金魚往弔立其

嗣

孫曰貞元十六年四月新羅王敬則卒冊命
其孫俊邕為開府儀同三司太尉新羅王

故事使外

國者常賜州縣官十員使以名上以便其私號私覲官
公將行曰吾天子吏使海外國不足於資宜上請安有

賣官以受錢耶即具疏所以上以命有司

上有以字下或有為賢二字

與其費至鄆州

鄆音運

會新羅告所當立君死

孫曰丹至鄆州聞俊

邕卒國人立其子重熙詔丹還

拜容州刺史容管經畧招討使

孫曰貞元十七

年除始城容州周十三里置屯田二十四所化大行詔

加太中大夫順宗嗣位拜河南少尹

孫曰貞元二十一年正月德宗崩順

宗即位五月以丹為河南少尹

行未至拜鄭滑行軍司馬

孫曰以丹為義成節度使

李素行始至襄陽詔拜諫議大夫

孫曰丹自容至襄陽拜右諫議大夫既

至日言事

一作日言軍事

不阿權臣蹇然有直名遂號為才臣

劉闢反圍梓州詔以公為東川節度使御史大夫

樊曰八月

西川節度使韋臯卒度支副使劉闢自為留後九月徵闢為給事中不受詔議者欲釋不問丹上疏以為今釋闢不誅則朝廷可指臂而使者唯兩京耳此外誰不為叛上善其言以丹為東川節度使兼御史大夫代李康公行至漢中上疏言梓州在圍間守方盡力不可易

將徵還入議蜀事劉闢去梓州因以梓州讓高崇文

孫曰

元和元年正月以左行營節度使高崇文討闢三月丹至漢中表言崇文客軍遠闕無所資若與梓州綴其士心必能有功四月以崇文為東川節度使副使知節度事拜晉慈隰等州觀察防禦使

孫曰是月以丹為晉慈隰三州觀察使

自扶風縣男進封武陽郡開國

公食邑二千戶將行上言臣所治三州非要害地不足

張職為國家費不如屬之河東便

一本有上以為忠四字

一歲拜

洪州刺史江南西道觀察使以晉慈隰屬河東

孫曰元和二年

正月以宰相杜黃裳為河中晉絳慈隰節度使是日以丹為江西觀察使。一本作以晉慈隰地屬之河東

公既至則計口受俸錢委其餘於官罷八州無事之食

者

孫曰洪江饒虔吉信撫袁八州

以聚其財始教人為瓦屋取材於

山召陶工教人陶聚材瓦於場度其費以為估不取贏

利凡取材瓦於官業定而受其償

一作賞

從令者免其賦

之半逃未復者官與為之

孫曰始民不知屋草茨竹椽久燥則戛而焚之丹聚工教

為陶聚材於場人能為屋者受材瓦于官免半賦

貧不能者裨之財

裨一作界載食

與漿親往勸之為瓦屋萬三千七百為重屋四千七百

樊曰杜牧作丹遺愛碑云為瓦屋四千間樓四千二百間

民無火憂暑濕則乘其高

別命置南北市營諸軍

孫曰置南北市為營以舍諸軍

歲旱種不入土

募人就功厚與之直而給其食業成人不病饑為長衢

南北夾兩營東西七里人去溧汙

祝曰易井溧不食注不停汚之謂溧溧息

列切介甫本溧作溝

氣益蘇復作南昌縣徙廩于高地因其廢倉

大屋馬以不連死

一作馬以
為連廐

明年築堤扞江長十二里

疏為斗門以走潦水公去位之明年江水平堤

孫曰丹
派湖入

江節以斗門以走暴漲築堤捍江高五尺長十
二里堤成明年江與堤平。一本有既退二字

老幼泣

而思曰無此堤吾屍其流入海矣灌陂塘五百九十八

得田萬二千頃

樊曰杜牧作丹遺愛碑云築堤五尺凡
長十二里鑿六百陂塘灌田一萬頃

為民去害興利若嗜欲居三年於江西八州無遺便其

大如其細可畧也

一無
也字

卒有違令當死者公不果於

誅杖而遣之去上書告公所為不法者若干條

一無朝
者字

廷方勇於治且以為公名才能臣治功聞天下不辨則

受垢詔罷官留江西待辨使未至月餘公以疾薨使至

辨凡卒所告事若干條皆無絲毫實詔答卒百流嶺南

公能益明春秋五十八薨於元和五年八月六日公好

施與家無剩財自校書郎至為觀察使擁吏卒前走七

州刺史

孫曰洪州丹所自治故餘七州

與賓客處

一有如布衣時四字

自持卑不

易

卑下或有一字

娶清河崔氏故支江令諷之女某官某之孫

有子曰寘年十五明經及第嗣其家業後夫人蘭陵蕭

氏中書令華之孫殿中侍御恒之女

孫曰華萬之子

皆先公終

有女一人凡公男若干人

樊曰杜牧作遺愛碑云有子三人寘宙岫宙咸通中檢校

尚書左僕射同平章事充嶺南節度岫終福建觀察使寘無聞唐史世系表則著寘宙審而遺岫審大理評事

明年七月壬寅從葬萬年縣

一無縣字

少陵原將葬其從事

東平呂宗禮

孫曰宗禮即呂恭字敬叔溫之弟

與其子寘謀曰我公宜

得銘得銘不朽矣

一云我公宜得直而不華者銘傳於後固不朽矣

寘來請銘

銘曰

武陽受業始於大師

補注大師即顏真卿

以官讓兄自待不疑勤

於紫閣取益以卑可謂有源卒用無疵慊慊為人慊音

矯矯為官爰及江西功德具完名聲之下獨處為難辨

而益明仇者所歎音碑于墓前維昭美故納銘墓中以

識公墓識式志切

唐故河南府王屋縣尉畢君墓誌銘

畢氏出東平

孫曰畢氏本畢公高之後其後世為東平須昌人

歷漢魏晉

孫曰晉有

畢諶為中書郎諶子卓字

宋齊梁陳士大夫不絕

孫曰北史

茂世大興末為吏部郎

畢敬衆子元賓父子相繼為兗州刺史元賓六子祖朽

祖髦祖歸祖旋祖榮祖暉祖歸子義暢祖榮子義允義

允子僧要祖暉
子義總義雲

入國朝有為司衛少卿貝邢廬許州刺

史者曰憬

孫曰憬河南偃師人
武后時為司衛少卿

憬之子構

孫曰構字隆
澤一本構

作稱累官至吏部尚書卒贈黃門監是為景公

孫曰構少
舉進士開

元二年卒樊曰按新史畢景公自吏部尚書徙廣州都
督明皇立授河南尹進戶部尚書遽改太子詹事卒贈
黃門監謚曰景而此云累官

景公生抗

一作炕

為廣平太

至吏部尚書卒豈其字誤耶

守抗安祿山城陷覆其宗贈戶部尚書尚書生垌家破

時垌始生四歲與其弟增以俱小漏名籍得不誅為賞

口賊中寶應二年河北平

孫曰是歲七
月改為廣德

宗人宏以家財

贖出之求增不得增長為河北從事兼官至御史中丞

垆既至長安宏養於家教讀書明經第宏死垆益壯始

自別為畢氏歷尉臨渙安邑王屋年六十一以元和六

年二月二日卒於官初罷臨渙徐州節度張建封慕廣

平之節死

一作死節

聞君篤行能官請相見署諸從事攝符

離令四年及尉王屋徐之從事有為河南尹者

樊曰元和六年

以杜兼為河南少尹半歲拜大尹兼嘗佐徐泗軍與垆同僚

聞君當來喜謂人曰河

南庫歲入錢

一作歲出入錢

以千計者五六十萬須謹廉吏今

畢侯來吾濟矣繼數尹

孫曰杜兼卒房式都士美相繼尹河南洞任職如故諸署

於府者

諸一作請

無不變而畢侯固如初竟以其職死君睦

親善事過客未嘗問有無既卒家無一錢凡棺與葬事

葬一作墓

皆同官與相識者事之娶清河張氏女生男四人

曰鎬鉦鉅銳

鎬胡道切鉦匹眉切鉅音求

女子三人其長學浮屠法為

比丘尼其季二人未嫁以其月二十五日從葬偃師之

土窆銘曰

上古愛民為官求人苟可以任位加其身其後喜權人

自求官退而緩者身後人先故廣平死節而子不荷其
澤王屋謹廉而神不福其謙嗚呼天與人苟無傷其穴
與墳

唐故試大理評事胡君墓銘

補注胡君
名明允

胡之氏別於陳

孫曰周武王封胡公滿
於陳其支子自稱胡氏

明允先河東人

孫曰河中
河東人

世勤固載厥身籍文譜進連倫

集注明允之
父瑱伯父玖

第昏登惟明允加武資力牛虎柔不持吏夏陽有施為樊

夏陽同州屬邑 去平陽民思悲

樊曰平陽晉州郡名

河東土河陸原宜茲

人肖後昆五十七不足年孤兒啼死下官母弟証秩大

夫

孫曰証字啟中貞元元年登第。証音政韓曰一本作秋大夫非是以証傳考之証未嘗為刑曹而嘗遷

左諫議大夫於

元和八年也

石君遺哭泣書友韓愈司馬徒

韓曰公時為行

軍司馬從裴度平蔡故云司馬徒或謂公是時為太史司馬徒謂司馬遷父子耳以誌無年月日故二說不同

作後銘系序初

唐故襄陽盧丞墓誌銘

范陽盧君行簡將葬其父母乞銘於職方員外郎韓愈

孫曰元和六年秋召

曰吾先世

一作五

世載族姓書

孫曰盧植

公為職方員外郎

字子幹涿郡涿人後漢北中郎將子敏字子家魏司空

容城侯毓子挺字子笏泰山太守挺子志字子道軍諮

祭酒志子湛字子諒司空從事中郎湛子偃慕容氏營

丘太守偃子邈范陽太守邈子玄字子真後魏中侍郎

玄子伯源字湯烏秘書監伯源子道將字祖

業燕郡太守道將子懷仁字子友弘農太守

吾胄於拓

拔氏之弘農守守後四代吾祖也

孫曰懷仁子彥卿東宮學士彥卿孫璩

為沂州錄事參軍五世而吾父也為襄陽丞始吾父自

曹之南華尉歷萬年縣尉至襄陽丞以材任煩能持廉

名去襄陽則署鹽鐵府職出入十五年常最其列貞元

十三年終其家年六十七殯河南河陰縣吾母燉煌張氏也王父瓘為兗之金鄉令

之一作川

先君歿十三年而夫

人終年七十三從殯河陰生子男三人居簡金吾兵曹

行簡則吾其次也大理主簿佐江西軍

孫曰佐江西觀察使崔元幕府

其幼可久女子嫁浮梁尉崔叔寶將以今年十月自河

陰啟葬於汝之臨汝縣臨汝原吾曰陰陽星厯近世儒

莫學獨行簡以其力餘學能名一世舍而從事於人以財稱葬其父母乞銘以圖長存是真能子矣可銘也遂

以銘

弘農諱懷仁沂州諱璲

音較

襄陽諱某今年實元和六年

唐故河中府法曹張君墓碣銘

有女奴抱嬰兒來致其主夫人之語曰妾張圓之妻劉氏也妾夫常語妾云吾常獲私於夫子且曰夫子天下之名能文辭者凡所言必傳世行後今妾不幸夫遇盜

死途中

集注李肇國史補云張圓佐韓弘舊史弘初秉節事無大小妾之後乃奏貶圓多怨言及量移

誘至汴州極歡而遣之行次八角店白日殺之收其財賂而還然此誌但云遇盜死途中未嘗畧及貶謫之意

國史補恐未必可信

將以日月葬妾重哀其生志不就恐死遂沈

泯敢以其稚子汴兒見先生賜之銘

一作稚子見幸賜之銘一作將賜之

銘

是其死不為辱而名永長存所以覆蓋其遺胤若子

若孫且死萬一能有知將不悼其不幸於土中矣又曰
妾夫在嶺南時嘗疾病泣語曰吾志非不如古人吾才
豈不如今人而至於死於是耶若爾吾哀必求夫
子銘是爾與吾不朽也愈既哭弔即辭遂叙次其族世
名字事終始而銘曰

君字直之祖謹父孝新皆為官汴宋間君嘗讀書為文
詞有氣有吏才嘗感激欲自奮拔樹功名以見世初舉
進士再不第因去事宣武軍節度使得官至監察御史
坐事貶嶺南再遷至河中府法曹參軍攝虞鄉令有能
名進攝河東令又有名遂署河東從事絳州闕刺史攝
絳州事能間朝廷元和四年秋一有東
方二字有事適東方既
還八月壬辰死于汴城西雙丘年四十有七明年二月

庚午

韓曰按朔歷二月無庚午
若曰庚午則正月晦也

葬于河南偃師妻彭城

人世衣冠祖好順泗州刺史父泳卒蘄州別駕女四人男一人嬰兒汴也是為銘

唐故太原府叅軍苗君墓誌銘

君諱蕃字陳師

孫曰漢有陳蕃故蕃字陳師

其先楚之族大夫亡晉

而邑於苗世遂以苗命氏

孫曰楚若敖熊儀生子子曰伯比伯比生子良子良生

越椒字伯芬以罪誅其子黃奔晉晉邑之苗後以為氏

其後有守上黨者惠於民

卒遂家壺關

視曰壺關縣名屬潞州

曾大父延嗣

孫曰延嗣父襲蒧高蹈不仕贈

禮部尚書中書舍人大父含液

孫曰延嗣二子含澤含液含澤開元十年含液八年皆登

第舉進士第官卒河南法曹父穎揚州錄事叅軍少喪

父受業母夫人舉進士第

韓曰貞元十一年登進士第

佐江西使有

勞三年使卒

孫曰貞元十一年八月以路塞為江西觀察使蕃佐其府十三年九月塞卒

後

辟不肯留

孫曰後使李翼辟蕃蕃辭

獨護其喪葬河南選補太原叅

軍

孫曰河東節度嚴綬表佐其府

假使職獄平貨滋息吏斂手不敢為

非年四十有二元和二年六月辛巳暴病卒其妻清河

張氏以其年十二月丙寅

韓曰以歷推之丙寅為其月十九日

塋君於洛

陽平陰之原男三人執規執矩必復其季生君卒之三

月君同生昆弟姊凡三人皆先死四室之孤男女凡二

十人皆幼遺資無十金

嚴曰漢以前以鎰名金漢以後以斤名金鎰者二十四兩斤者

十六兩諸史傳中或言百金或言萬金皆以一斤為一金十金者十斤金也

無田無家以為歸

無族親朋友以為依也天將以是安施耶

樊曰按世系表苗襲葭生

延嗣延嗣生含液含液生穎穎生蕃蕃生著著生惜憚
恪恪生台符憚生廷又又按登科記惜長慶二年憚太
和五年恪八年台符大中八年廷又乾符三年皆相踵
登第然有可疑者世系表以惜憚恪為蕃之孫誌謂蕃
卒於元和二年男女皆幼自元和二年至長慶二年甫
十五年豈遂有孫登第耶然則世系表蕃之下所謂著
者誤矣疑惜憚恪即蕃之子而執規矩必復者蕃先
時幼而未名特其小字云爾其後遂名惜憚恪也嗚呼

蕃死時其困如此其後子孫之盛則如此為善者可無怠矣

銘曰

有行以為本有文以為華恭以事其職而勤以嗣其家
位卑而無年吁其奈何

五百家註昌黎文集卷二十五